

中國文學精華

注音

方 望 溪 文

王益吾選本

34

注音

方望溪文

揭要

先生之文，循韓歐之成軌，而運以左史義法，發揮推闡，皆從檢身之切，觀物之深而得之。因文見道，斯爲載道之文。世之論先生者，以爲遠宗八家，近宗熙甫，開桐城之一派，未免失之淺矣。

小傳

先生名苞，字靈皋，號望溪，安徽桐城人。康熙丙戌進士，坐戴名世南山集事下獄。後官至禮部尚書。論學以宋儒爲宗，其說經皆推衍程朱之學，尤致力於春秋三禮，著有周官辨、周官集註、周官析疑、春秋通論、春秋直解、禮記析疑、望溪文集等。

音注方望溪文

注音
方望溪文

目次

原人上	一	送左未生南歸序	一七
原過	二	送李雨蒼序	一八
灌嬰論	三	贈宋西狝序	二〇
蜀漢後主論	六	與孫以寧書	二二
轅馬說	八	與李剛主書	二四
讀周官	九	與孫司寇書	二七
書孝婦魏氏詩後	一一	答程夔州書	二九
送王翦林南歸序	一三	白雲先生傳	三一
送劉函三序	一五	孫徵君傳	三三

二貞婦傳……………三七

高節婦傳……………三九

先母行略……………四一

杜蒼略先生墓誌銘……………四三

李抑亭墓誌銘……………四五

陳馭虛墓誌銘……………四八

萬季野墓表……………五一

仁和湯氏義田記……………五五

游雁蕩記……………五七

記姜西溟遺言……………五九

左忠毅公逸事……………六三

記吳紹先求二弟事……………六五

高陽孫文正公逸事……………六七

逆旅小子……………六九

宣左人哀辭……………七〇

武季子哀辭……………七二

亡妻蔡氏哀辭……………七四

注音
方望溪文

王益吾先生選本

原人上

孔子曰：『天地之性人爲貴。』董子曰：『人受命於天。』固超然異於羣生；非於聖人賢人徵之，於塗之人徵之也；非於塗之人徵之，於至愚極惡之人徵之也。何以謂聖人賢人爲人子而能盡其道於親也，爲人臣而能盡其道於君也，而比俗之人，徇妻子則能竭其力，縱嗜欲則能致其身，此塗之人能爲堯舜之驗也。婦人之淫，男子之方竊，非失其本心者，莫肯爲也；而有或訐音揭之，則忤在各於色，怒於言。故禽獸之一其性，有人所不及者矣，而偏且塞者不移也。人之失其性，有禽獸之不若者矣，而正且通者具在也。

宋元兇劭之誅也，謂臧質曰：『覆載所不容，丈人何爲見哭？』唐柳燦臨刑自詈曰：『負國賊死其宜矣！』由是觀之，劭之爲子，燦之爲臣，未嘗不明於父子

君臣之道也；惟知之而動於惡，故人之罪視禽獸爲有加；惟動於惡而猶知之，故人之性視禽獸爲可反。孟子曰：『人之所以異於禽獸者幾希！』痛哉言乎！非明於天性，豈能自反於人道哉？

【董子】漢董仲舒，廣川人。爲江都及膠西王相，著有春秋繁露。

【羣生】衆人也。

【比俗】近世俗人也。

【徇】竭力赴之曰徇。

【竭力致身】（論語）事父母能竭其力，事君能致其身。

【訐】揭發陰私也。（論語）惡訐以爲直者。

【忤】慚愧也。（論語）

其言之不忤。【禽獸之一其性】如烏能反哺，羊能跪乳等。

【宋元兇劾】字休遠，南朝宋文帝長子，六歲立爲太子。年十二，

出居東宮，多過失，慮帝知，遂爲巫蠱。黃門慶國具以白帝，帝將廢劾，劾因行弒逆，卽僞位，改元太初，孝武帝舉義兵禽斬之。（見宋書三

兇傳。）

【臧質】唐人，字含文，累遷雍州刺史，討擒元兇劾，封始興郡公。

【覆載不容】謂天地不容也。（中庸）天之所覆，地之

所載。

【柳燦】字炤之，昭宗以燦有相才，任諫議大夫，同中書門下平章事。朱全忠圖篡弒，燦脅哀帝禪位全忠，自爲冊禮使。後全忠

疑其背己，殺之。【詈】罵也。【反】自反，內省也。（孟子）自反而縮。

原過

君子之過，值人事之變而無以自解免者，十之七；觀理而不審者，十之三。衆人之過，無心而蹈音導之者，十之三；自知而不能勝其欲者，十之七。故君子之過，誠

所謂過也，蓋仁義之過中者爾；衆人之過，非所謂過也，其惡之小者耳。上乎君子而爲聖人者，其得過也，必以人事之變，觀理而不審者則鮮矣；息演切下乎衆人而爲小人者，皆不勝其欲而動於惡，其無心而蹈之者亦鮮矣。衆人之於大惡，常畏而不敢爲；而小人則不勝其欲而姑自恕焉。聖賢視過之小，猶衆人視惡之大也，故凜音然而不敢犯；小人視惡之大，猶衆人視過之小也，故悍音然而不之顧。服物之初御也，常恐其污且毀也；既污且毀，則不復惜之矣。苟以細過自恕而輕蹈之，則不至於大惡不止。故斷一樹，殺一獸，不以其時，孔子以爲非孝，微矣哉！亦危矣哉！

【蹈】踐也。

【鮮】少也。

【凜然】危懼貌。

【悍然】凶暴貌。

【御】進也。

【斷一樹四句】（見禮祭義）。

灌嬰論

嬰，漢睢陽人，少以販繒爲業，以中涓從高祖定天下。封穎陰侯。呂后崩，呂祿等欲爲亂，嬰與周勃、陳平共誅諸呂，立文帝，進太尉。

文帝，進太尉。

漢之再世，諸呂作難，去聲定天下安劉氏者，嬰也；而議者推功於平、勃，誤矣。平

爲丞相，聽邪謀以南北軍屬產祿，使勃有將之名而無其實，久矣。一旦變起倉卒，而勃不得入於軍，則平已智盡而能索矣。鄉同與使給殆音說不行，矯節而謀洩，泄音平勃有相牽而就縛耳，如產祿何！前古用此以敗國殄切徒典身者衆矣；平勃之事，字古幸而集，則嬰爲之權藉也。呂氏雖三王，懸國千里外，無一夫之援，院音而諸侯合從縱同西鄉，同與空國兵以授嬰。當是時，呂氏所恃者嬰耳，而嬰頓兵滎陽，與諸侯連和以待其變，是猶孤豚局於圈檻，而虎扼厄音其外也。呂氏心孤，故酈歷音寄之謀得入，而公卿吏士，曉然知產祿之將傾，同心以踣切普候之，故矯節閉殿，莫敢齟齬，咀音以生得失。譬之於射，勃矢而嬰弦機也。鄉使呂祿自出以當齊楚，而產兼將南北軍以自定，或不足以倡亂，賊諸大臣有餘力矣。呂氏本謀，欲待嬰與齊合兵而後發，故雖聽酈寄之言，尚猶豫未有所決也。及賈壽自齊來，知嬰謀，然後以印屬典客。蓋自知無以待嬰，而欲改圖以緩死，故得因其瑕釁喜印而乘之。由是觀之，定天下安劉氏者嬰也，審矣！其推功於平勃，誤也。

抑吾有感焉：三代以下，漢治爲近古，其大臣謀國，若家人然，嬰之功雖掩於平勃，受封猶次之；至平陽侯宙，反竹出屢發產謀，以關平勃，折其機牙，功不在嬰下；及事平，以不與余遽誅諸呂奪官，而無一言以自列，嗚呼！何其厚與？韓富賢人也，其相去宋也，以不共撤簾之謀生怨，豈人心之變，隨世以降，而終不可返於古邪？抑上所以導之者異邪？此有國家者所宜長慮也。

【再世】猶言第二代。【諸呂】呂產呂祿等。【平勃】陳平周勃。【聽邪謀句】謂陳平用張辟彊計，請以呂祿呂產爲將，

將兵居南北軍也。【給說】誑言也。《漢書高后紀》：后崩，產祿謀作亂，朱虛侯章使人告齊王，令發兵西向，章與平勃爲內應。齊王

遂發兵，產祿等遣灌嬰擊之。嬰與平勃謀，以酈商子寄與祿善，使人劫商，令寄給說祿歸將軍印以兵屬太尉。太尉、周勃也。【矯節】

矯詐也，符節也，詐爲天子之命也。【殄】絕也。【權藉】憑藉也。【三王】謂呂產爲梁王，祿爲趙王，通爲燕王。【合從西

鄉】齊楚俱在山東，連兵西向，欲誅諸呂，亦猶六國爲從以敵秦，故云合從也。【頓兵】止兵也。【滎陽】縣名，屬河南省。【與

諸侯連和句】諸侯謂齊王也，變發動也。灌嬰使人諭齊王與連和，待呂氏變而共誅之也。【局】拘禁也。【囹圜】養畜之關。

【扼】據也。【踏】斃也。《左襄》與晉踏之。【閉殿】時呂祿已解印去，產不知也，北軍入未央宮欲爲亂，殿門弗入，勃謂朱虛侯章，

急入宮擊產。【莫敢齟齬】齟不正面參差出入曰齟齬。此言公卿吏士，意見一致，不敢稍有參差也。【機】機括也。【賊】害

也。【猶豫】如鹿善登木，性多疑慮，聞聲，卽上樹，久之無人，然後敢下，如此非一，故不決者，稱猶豫。【賈壽句】賈壽爲郎中令，從

齊來，數產曰：王不早之國，今雖欲行，尙可得耶？

【印屬典客】典客，大鴻臚也。時勃命酈寄典客，劉揭說祿急歸印，不然禍且起，祿

遂解印屬典客，而以兵授太尉勃。

【瑕釁】過失也。

【乘】乘勢而入也。

【掩】蓋也。

【受封】嬰封潁陰侯，文帝立，益封嬰三

千戶。

【平陽侯窋】留曹參子，封平陽侯。時賈壽以灌嬰與齊楚合從狀告產，窋聞其語，馳告丞相平，太尉勃。【關】白也。【折

其機牙】毀折其機括弩牙也。猶言破其隱謀。

【與】參與也。

【列】陳說也。

【韓富】韓琦、富弼，宋代名宰相。【不共撤

簾句】英宗治平元年，帝疾大瘳，韓琦欲太后撤簾還政，因自后求去。后曰：相公不可去，我當居深宮耳。遂起，琦即厲聲命撤簾。時常

弼爲樞密使，以太后還政之事，琦不與之共議，意愈不懌，乃以足疾力求解政。

蜀漢後主論

後漢都蜀，蜀今四川。後主名禪，劉備子，在位四十年，爲晉所滅。

昔成湯之世，伐夏救民，皆伊尹主之，而湯若無所事也；周武王之世，戡_音亂致治，皆周公主之，而武王若無所事也。蓋大有爲之君，苟得其人，常以國事推之，而已不與，故無牽制之患而功可成；大有爲之臣，必度_音其君之能是而後以身任焉，故無拂志之行而言可復。

亡國之君，若劉後主者，其爲世詬_音厲也久矣。而有合於聖人之道一焉，則任賢勿貳是也。其奉先主之遺命也，一以國事推之孔明，而已不與。世猶曰以師

保受寄託，威望信於國人，故不敢貳也。然孔明既歿而奉其遺言以任蔣琬宛音、董允者，一如受命於先主，及琬與允歿，然後以軍事屬姜維，而維亦孔明所識任也。夫孔明之歿，其年乃五十有四耳，使天假之年而得乘司馬氏君臣之瑕釁，雖北定中原可也。卽琬與允不相繼以歿，亦長保蜀漢可也。然則蜀之亡，會漢祚昨音之當終耳，豈後主有必亡之道哉？

抑觀先主之敗於吳也，孔明曰：『法孝直若在，必能制主上東行。』是孔明之志，有不能行於先主也，而於後主則無不可行。嗚呼！使置後主之他行，而獨舉其任孔明者以衡君德，則太甲成王，當之有愧色矣！

【成湯】名履，帝嚳子契之後，伐夏而有天下。【伊尹】商之賢相也，名摯，【周武王】名發，西伯昌之子，伐殷而有天下。【戡】

勝也。【周公】名且，文王子。【度】心所計慮曰度。【拂】逆也。【復】猶踐也。【詎厲】譏議其過惡，如降晉之恥辱是。

【任賢勿貳】見《尚書》。貳，疑也。【師保】太師太保也。【蔣琬】字公琰，零陵人，諸葛亮密表後主曰：臣若不幸，後事宜以付

琬。亮卒，以琬爲尙書令。【董允】字休昭，枝江人，後主時爲黃門侍郎。諸葛亮北征，表允志慮忠純，必能裨補闕漏，尋選侍中，累擢尙

書令。【姜維】字伯約，天水人，拜征西將軍。諸葛亮卒，維繼領其衆，屢伐魏無功。【假】借也。【司馬氏君臣之瑕釁】謂

司馬師廢魏主芳，司馬昭弑魏主髦諸事也。

【祚】福也，位也。

【孝直】法正字，先主立為漢中王，以正為尙書令。

【太甲】商

太丁子。太丁早世，湯崩即位，不率厥德，伊尹遷諸湯墓，三年改悟，而後迎歸復位。

【成王】名誦，武王子。成王立，時年幼，周公輔政，王

聽管叔蔡叔之流言而疑周公，周公避地居東，王後感悟，而迎周公。

轅馬說

余行塞上，乘任載之車，見馬之負轅者而感焉：

古之車獨轡，知優切加衡而服兩馬，今則一馬夾轅而駕，領局於軛，厄音背承乎

轡，顯音靳從音前而鞞同後；其登陲直蟻切也，氣盡喘粹轉切汗，而後能引其輪之卻也；其

下陲也，股蹙祖郁切蹄攢徂完切而後能抗其轅之伏也；鞭策以勸其登，主委切棘以

起其陷，乘危而顛，折筋絕骨，無所避之；而衆馬之前導而旁驅者不與焉。其渴

飲於溪，脫駕而就槽，曹音櫪歷音，則常在衆馬之後。噫！馬之任孰有艱於此者乎！

然其德與力，非試之轅下不可辨。其或所服之不稱，擊去聲則雖善擊去聲御者不能

調也。驚奴音蹇九聲切者力不能勝，狡憤者易懼而變，有行坦途驚蹶厥音而僨奮音其車

者矣。其登也若跛，播音其下也若崩，音旋淖，音陷，常自頓於轅中，而衆馬皆爲所掣。尺藝切嗚呼！將車者其慎哉！

【塞】邊界也。【轅】駕車之木，施於輿底軸上，左右各一，外出向前者。【輶】車轅也，大車謂之轅，兵車田車乘車謂之輶。【衡】轅端橫木也。【服兩馬】服，駕也。古一車四馬，中二馬夾轡者，謂之服馬。【軛】轅端橫木，駕馬領者。【鞵】馬服之革也，在兩腋旁，橫經其下，而上以繫於鞍者。【靳】服馬當胸之革也。（左定）吾從子如驂之靳。【鞵】羈絆也。（釋名）半也，拘使半行不得縱也。【登陴】陴，阪也，崖際也。考工記：故登陴者，倍任者也。【喘】氣逆而息急也。【蹙】迫也。【攢】聚也。【抗】抵抗也。【極】以杖擊也。【棘】荆棘也。【槽櫪】養馬之所。（韓愈文）駢死於槽櫪之間。【駑蹇】劣馬也。（漢書敘傳）駑蹇之蹇，不騎十里之塗。【坦途】平路也。【蹶】顛仆也。【偵】覆敗也。【跛】足偏廢也。【崩】自上墜下也。【淖】泥塗也。（韓愈詩）意不離淖。【掣】掣肘也，阻撓之意。【將車】將，持也，猶言駕車也。

讀周官

周官，書名，周公居攝後所作，擬周室之官制，書成而未實行者。分天官、地官、春官、夏官、秋官、冬官六篇。唐賈公彥爲之疏，分四十二卷。

嗚呼！世儒之疑周官爲僞者，豈不甚蔽矣哉！中庸所謂盡人物之性以贊天地之化育者，於是書具之矣。蓋惟公達於人事之始終，故所以教之養之任之治

之道，無不盡也；惟公明於萬物之分數，故所以生之取之聚之散之之道，無不盡也。連天下猶一身，視四海如奧阿諧切，阡音非聖人而能爲此乎？

然自漢何休、宋歐陽修、胡宏，皆疑爲僞作，蓋休耳熟於新莽之亂，而修與宏近見夫熙寧之弊，故疑是書晚出，本非聖人之法，而不足以經世也。莽之事不足論矣。熙寧君臣所附會以爲新法者，察其本謀，蓋用爲富強之術，以視公之依乎天理，以盡人物之性者，其根源較音然異矣。就其善者，莫如保甲之法。然田不井授，民無定居，而責以相保相受，有臯古文罪字奇裘音相及，則已利害分半而不能無拂乎人情矣。修與宏不能明辨安石所行，本非周官之法，而乃疑是書爲僞，是猶懲覆顛而廢輿馬也。

是書之出，千七百年矣。假而戰國秦漢之人能僞作，則冬官之缺，後之文儒，有能補之者乎？不惟一官之全，小司馬之缺，有能依倣四官之意以補之者乎？其所以不能補者何也？則事之理有未達，而物之分有未明也。嗚呼！三王政治之迹，

其規模可見者，獨有是書。世變雖殊，其經綸天下之大體，卒不可易也。若修與宏者，皆世所稱顯學之儒，而智不足以及此，尙安望爲治者篤信而見諸行事哉？此之疑，則惟安於苟道而已，此余所以尤痛疾乎後儒之浮說也。

【蔽】不明也。【中庸】禮記篇名，子思所作。【化育】謂天地之生成萬物也。【奧阼】室西南隅曰奧，主階曰阼。【何休】

字邵公，東漢大儒。【歐陽修】字永叔，宋人。【胡宏】字仁仲，宋人，安國子。【新莽】漢王莽封新都侯，後篡位，建號曰新，其居攝

踐阼，自託周公，制度動欲慕古，遂有疑周官爲劉歆僞作者。【熙寧】宋神宗年號。【君臣】君謂神宗，臣謂王安石等。王安石行

新法，傳會周官，宋儒遂有謂周官非周公作者。【保甲】宋王安石倡保甲法，十家爲保，有保長，五十家爲大保，有大保長，十六保爲

都保，都保有正副。【田不井授】言非周制授田之法也。周制以地方一里，畫爲九區，每區百畝，中爲公田，其外百家，各受一區爲

私田，形如井字，故稱井田。【較然】著明貌。《漢書》較然甚明。【有鼻奇衺相及】奇衺，不正也。奇衺相及，卽連蔓及於罪也。

按宋保甲之法，同保犯強盜殺人，強姦略人，傳習妖教，造著蠱毒，知而不告者，依律互保法治罪。【懲】戒也。【冬官】周禮自秦

火後，漢河間獻王得之山巖屋壁之中，而失冬官一篇，因以考工記補之。【小司馬之缺】《周禮夏官司馬》小司馬之職掌。《鄭

氏注》此下字脫滅，札爛文闕，漢興求之不得，遂無識其數者。【經綸】治絲之事，引其緒而分之爲經，比其類而合之爲綸，凡規畫

政治，亦曰經綸。

書孝婦魏氏詩後

書孝婦魏氏詩後

古者婦於舅姑服期，

基音

先王稱情以立文，所以責其實也。婦之愛舅姑，不若

子之愛其父母，天也。苟致愛之實，婦常得子之半，不失爲孝婦。古之時，女教修明，

婦於舅姑，內誠則存乎其人，而無敢顯爲悖者。蓋入室而盥，

貫音

饋，以明婦順，三月

而後反馬，示不當於舅姑而遂逐也。終其身榮辱去留，皆視其事舅姑之善否，而

夫之宜不宜不與焉。惟大爲之坊，

防同

此其所以犯者少也。近世士大夫百行

擊去

不忤，而獨以出妻爲醜，閭閻化之，由是婦行放佚而無所忌。其於舅姑以貌相

承，而無勃僂，

突音

之聲者，十室無二三焉。況責以誠孝與，

擊平

婦以類己者多而自證，

子以習非者衆而相安，百行之衰，人道之所以不立，皆由於此。

廣昌何某妻魏氏，

奎音

肱求療其姑，幾死，其事雖人子爲之，亦爲過禮，而非

篤於愛者不能，以天下婦順之不修，非絕特之行，不足以振之，則魏氏之事，豈可

使無傳與，抑吾觀節孝之過中者，自漢以降始有之，三代之盛，未之前聞也，豈至

性反不若後人之篤與，蓋道教明，而人皆知夫義之所止也。後世人道衰薄，天地

之性，有所壅遏不流，其鬱而鍾於一二人者，往往發爲絕特之行，而不必軌於中道。然用以矯枉扶衰，則固不可得而議也。

魏氏之舅官京師，士大夫多爲詩歌以美之，予因發此義以質後之人。

【舅姑】婦人謂夫之父母曰舅姑。

【服期】一年之服也。

【盥饋】盥，洗而饋，食也。

【反馬】禮，送女留其途，馬謙不敢自安

也，三月廟見，遣使反馬。

【忤】愧也。

【出妻】

見出之妻也。舊律有七出之條。

【閭閻】里中門也。後爲民間之通稱。

【勃窣】

反戾也。莊子：室無空虛，則婦姑勃窣。言無空虛以容其私，則反戾共爭也。

【婦以類己者多二句】言婦與子隨俗而化，自證

者自明，共同染習，非者相習爲非。

【廣昌】今江西廣昌縣。

【刮肱】刮，割也。肱，臂也。

【療】醫治也。

【道教】道德教化也。

【三代】夏商周也。

【軌】車之轍跡也。

送王翁林南歸序

翁林名澍，號虛舟，金壇人。康熙壬辰進士，官吏部員外郎。

予與翁

音弱

林交益篤，在辛卯壬辰間。前此翁林家金壇，予居江寧，率歷歲始

得一會合。至是，予以南山集牽連，繫刑部獄，而翁林赴公車，間一二日必入視予。每朝餐罷，負手步階除，則翁林推戶而入矣。至則解衣槃礴，音箔諮_{音資}經_音諏_{音次}史_{音歐}。

旁若無人。同繫者或厭苦，諷付衆切予曰：「君縱忘此地爲圜土，身負死刑，奈旁觀者山音笑何！」然箚林至，則不能遽歸，予亦不能畏訾警切牛刀而閉所欲言也。

予出獄，編旗籍，寓居海淀。電音箚林官翰林，每以事入城，則館其家。海淀距城往返近六十里，而使問朝夕通事，無細大必以關，憂喜相聞。每閱月踰時，檢箚林手書必寸餘。

戊戌春，忽告予歸有日矣，予乍聞，心忡充音惕，若暝行駐乎虛空之逕，四望而無所歸也。箚林曰：「子毋然！吾非不知吾歸，子無所向，而今不能復聲去顧子。且子爲吾計，亦豈宜阻吾行哉？」箚林之歸也，秋以爲期，而予仲夏出塞門，數朔音附書問息耗而未得也。今茲其果歸乎？吾知箚林抵舊鄉，春秋佳日，與親懿游好，徜徉山水間，酣嬉自適；忽念生平故人，有衰疾遠隔幽燕烟音者，必爲北鄉聲去惆抽音然而不樂也。

【辛卯壬辰】康熙五十年五十一年。

【金壇江寧】均江蘇縣名。

【率】大率，猶大抵也。

【歷歲】經歷歲時。

【南山集】

方孝標著滇黔紀聞，多指斥滿洲語。戴名世著南山集，採其言，姓而不名。名世與苞交好，疑苞所爲，牽連繫獄，時康熙五十年冬十一月。

【赴公車】舉人入京會試。【負手】兩手向背也。【除】亦階也。【盤礴】箕坐也，（莊子）解衣盤礴。【諮諏】問也。

【園土】獄也。【冊】讖也。【訾警】詆毀也。【旗籍】滿洲入關，編八旗以統人衆，凡漢人之入旗籍者，名漢軍，亦分八旗。望溪以罪編旗籍，在康熙五十二年。

【海淀】亦稱海甸，在北平城西，即清暢春園、頤和園所在。【距】離也。【關】關白也。

【忡惕】驚懼貌。【隕行】幽晦夜行。【數】屢也。【徜徉】逸蕩也。【幽燕】指北平。【惘然】悲哀貌。

送劉函三序

道之不明久矣，士欲言中庸之言，行中庸之行，而不牽於俗，亦難矣哉！蘇子瞻曰：『古之所謂中庸者，盡萬物之理而不過；今之所謂中庸者，循循焉爲衆人之所爲。』夫能爲衆人之所爲，雖謂之中庸可也。自吾有知識，見世之苟賤不廉，姦欺而病於物者，皆自謂中庸，世亦以中庸目之。其不然者，果自極質音焉，而衆皆持中庸之論以議其後。

燕音人劉君函三，令池陽，困長上聲官誅求，棄而授徒江淮間。嘗語去聲予曰：

「吾始不知吏之不可一日以居也。吾百有四十日而去官，食知甘而寢成寐，若昏夜涉江浮海而見其涯，若沈疴阿音之霍然去吾體也。」夫古之君子，不以道徇人，不使不仁加乎其身。劉君所行，豈非甚庸無奇之道哉？而其鄉人往往謂君迂怪不合於中庸。與親暱匿音者，則太息深矚，通音頻若哀其行之迷惑不可振救者。雖然，吾願君之力行而不惑也！無耳無目之人，貿茂音貿然適於鬱棲坑丘庚切，阱淨音之中，有耳目者當其前，援之不克而從以俱入焉，則其可駭蟹音詫恥亞切也加甚矣。凡務為撓君之言者，自以為為智，天下之極愚也！奈何乎不畏古之聖人賢人，而畏今之愚人哉？劉君幸藏吾言於心，而勿以示鄉之人。彼且以為壽舟音張頗坡音僻佩音，背佩音於中庸之言也。

【中庸】不偏之為中，不易之為庸。

【子瞻】宋蘇軾字。

【循循】有次序貌。

【桎】窒也。

【燕】今河北省。

【池陽】故城

在今陝西涇陽縣西北。

【誅】責也。

【涯】邊也。

【沈疴】大病也。

【霍然】病愈也。

【矚】心恨額蹙也。

【貿貿】目不

明也。

【鬱棲】蕪穢。

【坑阱】土之陷處。

【詫】驚訝也。

【壽張】誑也。

【頗僻】邪僻也。

送左未生南歸序

未生名特，桐城人。明左忠毅公季孫。

左君未生，與予未相見，而其精神志趣，形貌辭氣，早熟悉於劉北固古塘及宋潛虛。既定交，潛虛北固各分散，予在京師。及歸故鄉，惟與未生游處爲久長。北固客死江夏，予每戒潛虛當棄聲利，與未生歸老浮山。而潛虛不能用，予甚恨之。辛卯之秋，未生自燕南附漕船東下，至淮陰，始知南山集禍作，而予已北發，居常自懟。曰：『亡者則已矣！其存者遂相望而永隔乎？』

己亥四月，予將赴塞上，而未生至自桐。潘音審陽音審范恆菴高其義，爲音去聲言於駙馬孫公，俾偕行以就予。既至上營八日而孫死，祁君學圃館焉。每薄音博莫音暮

公事畢，輒與未生執手谿梁間。因念此地出塞門二百里，自今上北巡，建行宮，始二十年，前此蓋人迹所罕至也。予生長東南，及莫音同暮齒，而每歲至此涉三時，其山川物色，久與吾精神相憑依，異矣！而未生復與余數晨夕於此，尤異矣！蓋天假之

緣，使余與未生爲數月之聚；而孫之死，又所以警未生而速其歸也。

夫古未有生而不死者，亦未有聚而不散者。然常觀子美之詩，及退之永叔之文，一時所與遊好，其人之精神志趣形貌辭氣，若近在耳目間。是其人未嘗亡，而其交亦未嘗散也。予衰病多事，不可自敦率。未生歸，與古塘各修行著書，以自見於後世。則余所以死而不亡者有賴矣，又何必以別離爲戚戚哉！

【劉北固古塘】北固名輝祖，其弟古塘，名捷，均江寧舉人。【潛虛】未詳。【江夏】今湖北武昌縣。【浮山】在今安徽盱

眙縣西。（寰宇記）山下爲穴，淮水泛溢，其穴卽高，水減復低，有似山浮。【漕船】運漕船也。【淮陰】今江蘇淮安縣。【懟】

怨也。【己亥】康熙五十八年。【桐】今安徽桐城縣。【濬陽】今遼寧濬陽縣。【駙馬】帝婿。【上營】熱河地名。【薄

莫】傍晚也。【今上】謂聖祖。【子美】唐杜甫字。【退之】韓愈字。【永叔】歐陽修字。【敦率】謂厚自督率也。

【戚戚】憂貌。（論語）小人長戚戚。

送李雨蒼序

永城李雨蒼，力學治古文，自諸經而外，遍觀周秦以來之作者而慎取焉。凡

無益於世教人心政法者，文雖工不列也；言當聲去矣，猶必其人之可，故雖揚雄氏無所錄；而過以予之文次焉。予故與雨蒼之弟畏蒼交，雨蒼私論並世之文，舍予無所可，而守選踰年，不因其弟以通也。

雍正六年，以建寧守承事來京師。又踰年，終不相聞。予因是意其爲人，必篤自信而不苟以悅人者。乃不介而過之，一見如故舊，得予周官之說，時輟其所事而手錄焉。以行之速，繼見之難，固乞予言。

予惟古之爲交也，將以求益也。雨蒼欲予之有以益也，其何以益予乎？古之治道術者，所學異，則相爲蔽而不見其是；所學同，則相爲蔽而不見其非。吾願雨蒼好聲去予文而毋匿其非也！古之人得行其志，則無所爲書。雨蒼服官，雖歷歷著聲績，然爲天子守大邦，疆域千里，味爽盥沐，質明而泄事臨民，一動一言，皆世教人心政法所由興壞也。一念之不周，一物之不應，則所學爲之虧矣。君其併心於所事，而於文則暫輟可也！

【永城】今河南永城縣。【揚雄】字子雲，漢成都人，著有太玄法言等書，以附阿纂漢之王莽，故學者鄙之。

【雍正】清世宗年

號。【建寧】今福建建寧縣。【不介】不用介紹也。

【周官之說】靈舉有周官集注，周官析疑之作。

【味爽】將明未明

之時。（書）先王味爽丕顯。

【質明】天明時也。（禮禮器）質明而始行事。

【泄】臨也。

贈宋西狽序

西狽名華金，康熙辛丑進士。狽，音洪。

雍正壬子春，余道逢相識人，甫下車，適有過而與言者，叩之，則亡友之子宋華金西狽也。接其語，觀其詩，久而益有意於其人。西狽大父冢宰公，及父山言，再世以詩名。余爲諸生，冢宰巡撫江蘇，降爵齒而禮先焉。山言年較長，而視余若其所嚴事者。觀西狽之詩，與其爲人，雖得之性資，抑祖若父淵源之所漸尖音也。余夙有作序之戒，而西狽以爲請，乃誦其所聞，而使自擇焉。

先君子有言，自晚周秦漢以來，治文術者代降而卑，皆以爲氣數使然，非也。古之以文傳者，或未見其詩，以詩鳴者亦然。唐之中葉，始有兼營而並善者，然較其所能，則懸衡而不無俯仰矣。自宋以降，學者之於文術，必徧爲之，夫是以各涉

其流，無一能窮源而竟委也。如曰氣數實然，則建安以後之綺麗，有陶潛者出而渾然元古矣。李白杜甫興於唐，而六朝雜家，盡爲所掩。今子於詩，既得其徑塗，苟日進而不已，豈惟接武於先人，安知不遂與古人相角逐乎？曩子欲兼治古文，自今以往，無庸也。子之年長矣，少壯之心知，同智既役於時文，而今有官守，日力之留餘者，雖一併於詩，猶恐其術之難竟也，而又可兼務乎？若夫植志行身之義，守官制事之方，苟欲稍異於衆人，而自儕音柴於古人，其事更有艱且大者，卽文術可置而勿事也。若尙能兼，則又詩之所藉以增重也。西狽能篤信吾言，他日宦與學皆成，而出其詩以質於世，卽以是弁音卡於簡端，可矣。

【壬子】雍正十年。

【大父】祖也。

【冢宰公】謂宋華也。華官至吏部尙書，加太子少師。

【山言】名至。

【諸生】謂學官

弟子也。清稱生員爲諸生。

【爵齒】爵位年齒也。

【漸】流入也，染也。

【晚周秦漢】晚周如孟荀莊墨諸子，秦如李斯，漢如賈

誼、董仲舒、司馬相如等，皆善文學。

【唐之中葉】中葉，中世也。時韓愈柳宗元等，始並以詩文名。

【懸衡句】衡，稱物輕重之器。

輕則仰，重則俯，言兼營詩文者，或詩不如文，或文不如詩也。

【窮原竟委】窮究本原也。

【建安以後句】建安，漢獻帝年號。

綺麗，言如文繪之麗也。時孔融、陳琳、應瑒、王粲、阮瑀、徐幹、劉楨，稱建安七子，與曹丕曹植等詩文，皆入文選，始變秦漢古樸之氣。（李白

詩自從建安來，綺麗不足珍。

【陶潛句】潛，晉人，一名淵明，字元亮。所作詩文，渾然高古，無六朝綺靡之習。

【李白】唐人，字太

白。【杜甫】唐人，字子美。

【六朝】吳與東晉齊宋梁陳皆都建業，故稱六朝。

與孫以寧書

昔歸震川嘗自恨足跡不出里閭，

音

所見聞無奇節偉行可紀。承命爲徵君

作傳，

去聲

此吾文所託以增重也，敢不竭其愚心。

所示羣賢論述，皆未得體要。蓋其大致不越三端：或詳講學宗旨，及師友淵

源，或條舉平生義俠之迹；或盛稱門牆廣大，海內嚮仰者多。此三者，皆徵君之末

迹也；三者詳而徵君之志事隱矣。古之晰

音析

於文律者，所載之事，必與其人之規

模相稱。

去聲

太史公傳

去聲

陸賈，其分奴婢裝資瑣瑣者皆載焉。若蕭曹世家，而條舉

其治績，則文字雖增十倍，不可得而備矣。故嘗見義於留侯世家，曰：「留侯所從

趨邑切

容與上言天下事甚衆，非天下所以存亡故不著。」此明示後世綴

竹衛切

文

之士，以虛實詳略之權度也。宋元諸史，若市肆簿籍，使覽者不能終篇，坐此義不

講耳。

徵君義俠，舍楊左之事，皆鄉曲自好者所能勉也。其門牆廣大，乃度待洛切時揣已，不敢如孔孟之拒孺悲夷之，非得已也。至論學則爲書甚具，故並弗採著於傳，而虛言其大略。昔歐陽公作尹師魯墓誌，至以文自辨而退之之誌李元寶，至今有疑其太略者。夫元寶年不及三十，其德未成，業未著，而銘辭有曰：『才高乎當世，而行去聲出乎古人。』則外此尙安有可言者乎？僕此傳出，必有病其太略者。不知往者羣賢所述，惟務徵實，故事愈詳而義愈陋。同與狹今詳者略，實者虛，而徵君所蘊蓄，轉似可得之意言之外；他日載之家乘，達於史官，慎毋以彼而易此！惟足下的然昭晰，無惑於羣言，是徵君之所賴也。於僕之文無加損焉。如別有欲商論者，則明以喻之！

【歸震川】明崑山人，名有光，字熙甫，嘗居嘉定安亭江上，讀書講學，學者稱震川先生。

【里閨】里門也。

【徵君】謂孫奇逢也。

詳見後孫徵君傳。凡有學行之士，經詔書徵召者曰徵士，尊稱之則曰徵君。

【晰】明也。

【太史公】謂司馬遷也。

【傳陸賈】

二句】賈漢初楚人，嘗使南粵，得囊中裝賣千金，分其五子，子二百金，令爲生產也。瑣瑣細小也。【蕭曹】蕭何曹參也。（史記有

蕭相國世家，曹相國世家。【留侯】張良也。史記）有留侯世家。【綴文】連綴字句以成文也。【權度】權，稱錘也，度，丈尺也，

所以知物之輕重與長短也。【宋元諸史】宋史，元托克托撰，元史，明宋濂撰。【楊左】詳後孫徵君傳。【鄉曲】謂邊鄉僻

壤之處，以其偏處一隅，故曰鄉曲。【孔孟拒孺悲夷之】孺悲，魯人，嘗學士喪禮於孔子。（論語）孺悲欲見孔子，孔子辭以疾。夷

之，夷姓之名。治墨翟之道者。（孟子）夷之因徐辟求見孟子，孟子曰：今吾尙病，病愈，吾且往見。夷子不來。【尹師魯】名洙，河南人，天

聖進士。自唐末歷五代，文格卑弱，洙倡爲古文，簡而有法，世稱河南先生。【李元賓】名觀，客死於京師。韓愈爲墓銘，僅一百五十七

字。【年不及三十】元賓年二十九卒。【才高二句】見韓愈李元賓墓誌銘。【蘊蓄】積聚也。【家乘】家譜也。

與李剛主書

剛主名瑛，號恕谷，直隸蠡縣人。康熙舉人，官通州學正。博學工文辭，解釋經義，多與宋儒立異云。按是書

作於康熙辛丑，時望溪年五十四。

九月中自塞上歸，附書相問，而息耗聲去久不至。仲冬望後二日，或致函封，

發之，則太夫人行述也。呼兒章讀之，篇終而郎君長聲上人之狀附焉，驚痛不能夕

食。太夫人音而考終，在仁孝者猶難爲懷，況重聲平以長人之天枉乎？此子天民

之秀，非獨李氏所恃賴也。僕不能自解，豈能爲吾兄解？然有區區而欲言者，言之

則非其時，而重傷吾兄之意；不言則於交友之道爲不忠，是以敢終布之。

易曰：『游

集硯切

雷震，君子以恐懼修省。』僕平生所遭骨肉閔凶，殆人理所無；

悲憂危蹙

子六切

中，每自念性資迫隘，

倚賣切

語言輕肆，與不祥之氣，實有相感召之

理。以吾兄之德行醇懿，而衰暮懼

離音

此，語天之道，有不當然者。竊疑吾兄承習齋

顏氏之學，著書多訾

音紫

訾

牛刀切

朱子。習齋之自異於朱子者，不過諸經義疏，與設

教之條目耳！性命倫常之大原，豈有二哉？此如張夏論交，曾言議禮，各持所見，而

不害其並爲孔子之徒也。安用相詆

低體切

訾哉？記曰：人者天地之心。孔孟以後，心

與天地相似，而足稱

去聲

斯言者，舍程朱而誰與？若毀其道，是謂戕

音牆

天地之心，其

爲天之所不祐決矣。故自陽明以來，凡極詆朱子者，多絕世不祀。僕所見聞，具可

指數。若習齋西河，又吾兄所目擊也。

僕自今年來，食飲益衰，塞外早寒，得上氣疾，幾死者再焉。恐一旦委溝壑，則終無以此聞於左右者，是僕負吾兄夙昔相愛重之誼，而死有餘責也。昔秦伯無

子伯魚早喪，況吾兄子姓甚殷。固知所陳，理弱情鄙，不足移有道者之慮。然君子省身不厭其詳，論古不嫌其恕。儻鑒愚誠，取平生所述訾警，朱子之語，一切薙替音芟，刪音而直抒伴音己見，以共明孔子之道，則僕之言雖不當，聲去而在吾兄，為德盛而禮恭，所補豈淺小哉！

聞太夫人既祔附音葬，僕身拘綴撥音，兒章疹切止引後，不可以風，將使獻歲赴弔，

先此代唁彥音，並呈長人哀辭。其遺腹若天幸男也，則速以報我。臨簡哽梗音咽，不盡欲言！

【息耗】猶音信也。【太夫人】剛主之母。【行述】即行狀，述死者生平行事之文。【兒章】長子名道章，字用閣，號定思，康

熙壬午正月三十日生，側室楊氏出，戊戌就學於剛主。【長人】剛主長子之字，名習仁，早夭。【耄】八十九日耄。【考終】

猶言善終。（書）五曰考終命。【天枉】早死也。（唐書西域傳）党項老而死，子孫不哭。少死則曰天枉，乃悲。【天民】民者無位之

稱，以其全盡天理，乃天之民，故謂之天民。【洊雷震二句】（見易震卦）洊，重也。因，仍也。雷相因仍，乃為威震也。君子恆自戰戰兢兢，不敢懈惰。今見天之怒，畏雷之威，彌自修身省祭已過也。【僕平生句】見後先母行略。【蹙】迫也。【隘】狹也。【醇懿】

純厚優美也。【懼】遭也。【習齋顏氏】名元，字渾然，號習齋，博野人。其學源出姚江，而介然自成一家，有存性存學存治存人四

純厚優美也。【懼】遭也。【習齋顏氏】名元，字渾然，號習齋，博野人。其學源出姚江，而介然自成一家，有存性存學存治存人四

編。【張夏論交】張謂子張，夏謂子夏。論語子夏之門人，問交於子張。子張曰：子夏云何？對曰：子夏曰：可者與之，其不可者拒之。

子張曰：異乎吾所聞。君子尊賢而容衆，嘉善而矜不能。

【曾言議禮】曾，謂曾子，言子游之姓也。禮記檀弓：曾子襲裘而弔，子游

楊裘而弔，曾子指子游而示人曰：夫夫也，爲習於禮者，如之何其楊裘而弔也。

【詆訾】毀謗也。

【程朱】程，謂程顥，程頤，朱，謂朱熹。

【戕】殘賊也。

【陽明】明王守仁也，嘗築室陽明洞中，故世稱陽明先生。

【西河】名奇齡，字大可，清甯山人，說經好辨駁，

多與宋儒相鑿枘，而雄辯足以濟之，學者稱西河先生。

【目擊】猶言親見也。莊子：若夫人者，目擊而道存矣。

【委溝壑】委，棄

也。溝壑，溪谷也。謂死後委棄於溝壑也。

【泰伯】周太王之長子，卒於句吳，無子，弟仲雍立。

【伯魚】孔子之子，名鯉，先孔子卒。

【薙芟】皆除草也。此指刪除詆朱之語也。

【耐葬】合葬也。

【拘綴】綴，亦拘也。

【疹】風疹也，因血熱蒸鬱而皮膚發生小

紅點也。【不可以風】句本孟子。

【獻歲】歲首也。楚辭：獻歲發春。

【唁】弔生者曰唁。

【長人哀辭】載望溪集。

【簡

古時無紙，書於版曰牘，書於竹曰簡，故今稱書信曰簡牘。

【哽咽】悲歎而氣結喉塞，嗚咽不成聲也。劉琨詩：哽咽不能言。

與孫司寇書

司寇名嘉淦，時爲刑部尙書。

朔後一日薄暮，書吏送秋審冊到，僕以討論三禮及閱庶常課藝事方殷，未得到班。次日薄暮，書吏持審單至，見雲南絞殺音犯吳友柏改緩決，隨繙供招。釁自友柏起，既迫殺親兄之子，並傷寡嫂左右手及族弟，窮兇極惡，萬無可原。夫聖人

不得已而有刑戮，豈惟大義？實由至仁。蓋致天討於有罪，則不敢不殺；哀民彝之泯絕，則不忍不殺。所謂刑期無刑，辟音以止辟也。自古典刑之官，皆以刻深爲戒，故宅心仁厚者，不覺流於姑息；又其下則謂脫人於死，可積陰德以遺子孫。不知縱釋兇人，豈惟無以服見殺者之心？而醜類惡物，由此益無所忌，轉開閭閻忍戾之風，是謂引惡，是謂養亂，非所謂邁與勸通種德也。

昔虞舜刑故無小，其命官曰：『怙音終賊刑，』而皋陶音稱之曰：『好生之

德，洽於民心。』周公東征，破斧缺斨，切七央東人歌思以爲『哀我人斯，亦孔之將。』

執事以儒者操事柄，望布大德，勿以小惠爲仁，卽改前議，仍所讞音爲情真，若有人禍天刑，皆歸於僕，死者亦於公無怨也，望勿以爲過言而棄之！

【秋審】舊制各省死罪人犯，每歲審擬，分爲情實緩急可於三項報部，八月內刑部會同九卿各官詳核分擬，請旨裁定。其情實人犯

裁定時，有予句免句之別。予句者，立即施刑，免句者，暫緩施刑。

【三禮】周禮儀禮禮記也。乾隆丙辰，望溪充三禮義疏館副總裁。

【庶常】卽庶吉士，本周書庶常吉士之義。乾隆丁巳，爲教習庶吉士。【絞】縊殺之也。（左昭）絞縊以戮。【釁】瑕隙也。（左桓）

鍾有聲，不可失也。

【天討有罪】見書皋陶謨。

【民彝】彝，常也，民之常性也。（詩）民之秉彝。

【泯】盡也。

【刑期無刑】

句本書大禹謨。

【辟以止辟】辟，刑也，句本書君陳。

【典刑官】主刑事之官也。

【宅心】存心也。（書）宅心知訓。

【姑息】（禮檀弓）細人之愛人也以姑息。以婦人小兒待之不多責備也。

【醜類惡物】句本文。醜類，惡類也。

【忍戾】

殘忍乖戾也。

【邁種德】邁，勇往力行也。（書）皋陶邁種德。

【刑故無小】故，知之而故犯也，故犯則雖小必刑。句本書大禹謨。

讓。

【怙終賊刑】怙，恃也，言怙惡不悛，若將終身也。賊，害也。句本書舜典。

【皋陶】虞舜時為刑官。

【好生二句】見

書大禹謨。

【周公東征】武王崩，管叔蔡叔攬叔以武庚畔，又淮夷畔，周公且東征而平之。

【破斧缺斨】斨，斧受柄處，其孔

方者為斨。詩既破我斧，又缺我斨。

【哀我人斯亦孔之將】將，大也。言周公哀我民人，其德亦甚大也。句見詩破斧章。

【讞】平議罪獄曰讞。

答程夔州書

其人為夔州之官，故稱夔州。夔州，今四川奉節縣其舊治。

散體文，惟記難撰結。論辨書疏，有所言之事；誌傳擊去表狀，則行誼顯然；惟記無質鞣可立，徒具工築興作之程期，殿觀擊去樓臺之位置，雷同鋪序，使覽者厭倦，甚無謂也。故昌黎作記，多緣情事為波瀾；永叔介甫，則別求義理以寓襟抱。柳子厚惟記山水，刻雕衆形，能移人之情；至監祭使四門助教武功縣丞廳壁諸記，則

皆世俗人語言意思，援古證今，指事措語，每題皆有見現音成文字一篇，不假思索。是以北宋文家，於唐多稱韓李，而不及柳氏也。凡為學佛者傳記，用佛氏語，則不雅，子厚、子瞻皆以茲自瑕。至明錢謙益，則如涕唾之令人噁許各切矣。豈惟佛說，即宋五子講學口語，亦不宜入散體文，司馬氏所謂言不雅馴也。寄來二作，皆不苟所雍芟數語，乃時人所謂大好者，他日當面析之。此雖小術，失其傳者七百年，吾衰甚矣，兒章粗知其體，要不秀中道殂叢吾切，賢其勛音蓄哉！

【觀】闕也。古宮門外兩台曰象魏，上有樓觀，故亦曰觀。【緣】因也。【波瀾】文章多起伏曰波瀾。（杜甫詩）波瀾獨老成。【介甫】

王安石字。【襟抱】懷抱也。【子厚】柳宗元字。【監祭使四門助教武功縣丞】三篇，為子厚壁記篇名。【北宋

文家】指歐陽三蘇曾王。【韓李】韓愈、李翱。【瑕】瑕疵也。（左傳）不汝瑕疵。【錢謙益】字受之，號牧齋，常熟人。著初學

有學集，多用釋典。【噁】嘔吐也。【宋五子】宋儒周敦頤程顥程頤張載朱熹稱五子。【講學口語】即所傳語錄也，與今

之語體文相似。【司馬氏】司馬遷。【言不雅馴】（史記）百家言黃帝，其文不雅馴。【雍芟】見前與李剛主書注。【析

分析也。【兒章】兒子道章也。【殂】死也。乾隆戊辰十月十六日，道章死，年四十有八。【勛】勉也。（書）勛哉夫子。

白雲先生傳

張怡，字瑤星，初名鹿徵，上元人也。父可大。明季總兵登萊，會毛文龍將卒反，誘執巡撫孫元化，可大死之。事聞，怡以諸生授錦衣衛千戶。甲申，流賊陷京師，遇賊將，不屈，械繫將肆掠，其黨或義而逸之。久之，始歸故里，其妻已前死，獨身寄攝山僧舍，不入城市，鄉人稱白雲先生。

當是時，三楚吳越耆舊，多立名義，以文術相高；惟吳中徐昭法、宣城沈眉生，躬畊窮鄉，雖賢士大夫，不得一見其面；然尙有楮墨流傳人間。先生則躬樵汲，口不言詩書，學士詞人，無所求取。四方冠蓋往來，日至茲山，而不知山中有是人也。先君子與余處，士公佩，歲時問起居，入其室，架上書數十百卷，皆所著經說，及論述史事，請貳之，弗許，曰：吾以盡吾年耳。已而二甕，下棺則並藏焉。卒年八十有八。平生親故，夙市良材，爲具棺槨。疾將亟，聞而泣曰：『昔先將軍致命危城，無親屬

視含殮，雖改葬，親身之棹，音弗能易也，吾忍乎？顧視從孫某，趣音易棺，定附身
衾衣，乃卒。時先君子適歸皖桐，反則已渴葬矣。或曰：『書已入壙，音』或曰：『經
說有貳，尙存其家。』

乾隆三年，詔修三禮，求遺書，其從孫某，以書詣郡，太守命學官集諸生繕寫，
久之未就。先生之書，余心嚮之，而懼其無傳也久矣，幸其家人自出之，而終不得
一寓目焉。故並著於篇，俾鄉之後進，有所感發，守藏而傳布之，毋使遂沈沒也。

【上元】今江蘇江寧縣。

【可大】字觀市，世襲南京羽林衛指揮，總兵登萊，城陷，殺其妾陳氏，自縊於署。

【總兵】明代遣將出

征，始立總兵官副總兵官之名，後遂爲一方武官之重職。

【登萊】山東二府名，今蓬萊掖縣其舊治。

【毛文龍句】先是袁崇

煥計殺總兵官毛文龍於雙島，登州遊擊孔有德等，皆文龍舊部。崇禎四年，大凌園急，登萊巡撫孫元化遣有德等赴援，抵吳橋，遂反。元
化，字初陽，嘉定人。【錦衣衛】明之禁衛軍也。【流賊】季自成輩。【逸】縱也。【聶山】即棲霞山，在江寧縣東北。【三

楚】淮北沛陳汝南南郡爲西楚，彭城以東東海吳廣陵爲東楚，衡山九江江南豫章長沙爲南楚。（見史記）。

【吳越】指江蘇浙

江。【多立名義】借道義爲標榜。

【徐昭法】名枋，長洲人。崇禎舉人，痛父汧殉難，隱居靈巖山，閉戶著書，不入城市。巡撫湯斌

屏驕從兩訪之，終不得見，隱居四十餘年卒。

【宣城】今縣名，屬安徽省。

【沈眉生】名壽民，宣城人。崇禎中行保舉法，巡撫張國

維以壽民應詔。至卽疏勅兵部尙書楊嗣昌奪情，及總督尙書熊文燦主撫之罪。未幾，移疾去，隱居講學以終。【楮】紙也。【樵汲】采樵汲水也。【貳之】抄副本也。【稗】棺也。【趣】催促也。【渴葬】不及時月而葬。【壙】墓穴也。

孫徵君傳

孫奇逢，字啓泰，號鍾元，北直容城人也。少惆儻，好奇節，而內行篤修，負經世之略，常欲赫然著功烈，而不可強_{切技養}。以仕。年十七，舉萬曆二十八年順天鄉試。先是，高攀龍顧憲成講學東林，海內士大夫立名義者多附焉。及天啓初，逆奄魏忠賢得政，叨穢者爭出其門，而目東林諸君子爲黨。由是楊漣左光斗魏大中周順昌繆昌期次第死廠獄，禍及親黨，而奇逢獨與定興鹿正張果中傾身爲之，諸公卒賴以歸骨，世所傳范陽三烈士也。

方是時，孫承宗以大學士兼兵部尙書經略薊_{計音}遼，奇逢之友歸安茅元儀及鹿正之子善繼，皆在幕_{英音}府。奇逢密上書承宗，承宗以軍事疏請入見，忠賢大懼，繞御牀而泣，以嚴旨遏承宗於中途，而世以此益高奇逢之義。臺垣及巡撫交

薦，屢徵不起。承宗欲疏請以職方起贊軍事，使元儀先之，奇逢亦不應也。其後畿內盜賊數朔音駭，容城危困，乃攜家人易州五公山，門生親故，從而相保者數百家。奇逢爲教條部署守禦，而絃歌不輟。

入國朝，以國子祭酒徵，有司敦都回切趣，卒固辭。移居新安，旣而渡河止蘇門

百泉，水部郎馬光裕奉以夏峯田廬，遂率子弟躬耕，四方來學願留者，亦授田使耕，所居遂成聚。奇逢始與鹿善，繼講學，以象山陽明爲宗。及晚年，乃更和通朱子之說。其治身務自刻砥，紙音執親之喪，率兄弟廬墓側，凡六年。人無賢愚，苟問學，必開以性之所近，使自力於庸行。其與人無町聽音畦，攤音雖武夫悍卒，工商隸圉，野夫牧豎，樹音必以誠意接之，用此名在天下，而人無忌嫉者。方楊左在難，去聲衆皆爲奇逢危。而忠賢左右皆近畿人，夙重奇逢質行，無不陰爲之地者。鼎革後，諸公必欲强起奇逢。平涼胡廷佐曰：『人各有志，彼自樂處隱就閑，何故必令與吾儕一轍乎？』

居夏峯二十有五年，卒年九十有二。河南北學者歲時奉祀百泉書院。而容城與劉因、楊繼盛同祀。保定與孫文正、承宗、鹿忠節、善繼並祀學宮。天下無知與不知，皆稱曰夏峯先生。

贊曰：先兄百川聞之夏峯之學者，徵君嘗語去聲人曰：『吾始自分與楊左』

諸賢同命，及涉亂離，可以犯死者數矣，而終無恙。是以學貴知命，而不惑也。』徵

君論學之書甚具，其質行學者譜焉，茲故不論，而獨著其犖犖大者。方高陽孫

少師以軍事相屬，燈音先生力辭不就，衆皆惜之，而少師再用再黜，緒聿切訖基乙切無

成功。易所謂介于石，不終日者，其殆庶幾邪？

【容城】縣名，今屬河北省。

【倜儻】不羈也。

【萬曆】明神宗年號。

【高攀龍】明無錫人，字存之，與顧憲成修復東林書院。

講學其中，世稱高顧。

【顧憲成】明無錫人，字叔時，爲東林黨之首，學者稱涇陽先生。

【天啓】明熹宗年號。

【逆奄魏忠賢】

忠賢，明之宦官，原名進忠，肅寧人。熹宗時，擅朝政，大戮東林黨人。黨羽滿朝，生祠徧於各地。思宗立，貶鳳陽，遂自殺。奄，宦官也。

【目】

稱也。（穀梁傳）以其目君，知其爲弟也。【楊漣】明應山人，字文孺。熹宗時，疏論魏忠賢二十四大罪，後爲忠賢所害，斃於獄。【左】

【光斗】明桐城人，字遣直。光宗崩，與楊漣協心建議，排閹奴，後與漣同斃於獄。【魏大中】明嘉善人，字孔時。疏劾魏忠賢結黨樹

威，矯旨逮下詔獄，斃之。【周順昌】明吳縣人，字景文。以忤魏忠賢，爲其黨誣陷，斃獄中。【繆昌期】明江陰人，字當時。楊漣劾

魏忠賢，有言漣疏乃昌期代草者，忠賢恨之，以汪文言獄詞連及，竟斃於獄。【廠】爲宦官治事之處。【定興】縣名，屬今河北省。

【鹿正】善繼之父，傾家急難，遠近稱鹿太公。【張果中】新城人。【傾身爲之二句】魏忠賢誣左魏受熊廷弼贓，各榜追

之。奇逢與鹿正及果中，謀設醜建表於門曰：願輸金數千，督學者聽，於是得金數千，齎入都，而左魏已先斃杖下。明年，忠介公逮至，擬贓

五千，徵君督畫得金數百，而忠介復杖斃。乃皆經紀其喪，遺骨藉以歸。【范陽三烈士】謂奇逢及正與果中也。定興縣，即古范陽

地。【孫承宗】明高陽人，字稚繩。曉暢邊事，天啓初，累官兵部尙書，東閣大學士。時遼陽廣寧俱破，承宗自請以原官督理諸處軍務，

便宜行事。【經略】官名，明用兵時特置之，權任極重，在總督之上。【薊遼】時孫承宗以原官督山海關及薊遼天津登萊諸處

軍務。薊，今縣名，屬河北省。遼，今遼寧東南地。【茅元儀】明歸安人，字止生，號石民。崇禎中，任孫承宗軍務，歷官副總兵。【鹿

善繼】字百順，從孫承宗閱視榆關，拓地復城，俾善繼籌畫爲多。【幕府】軍旅出徵，居無常所，以幕帟爲府署，故曰幕府。【密

上書承宗五句】奇逢使季弟奇彥，及正孫化麟，齎書往。承宗得書，具疏請入朝，面陳機務，忠賢大懼，夜繞御牀泣，遂以嚴旨止之，

不使入京。【臺垣及巡撫交薦】時御史黃宗昌，給事中王正志交薦之，巡撫張其平亦上奇逢禦容城事，詔優秩擢用。【職

方】明置職方清吏司。【先】先容也。【易州】今河北易縣。【五公山】在易州西一百里，漢北平侯王譚不附新莽，一子

五孫，隱居於此，光武封爲五侯，卽山中五王也，故名。【部署】猶言布置。《史記》部署吳中豪傑。【國朝】清朝也。【國子祭

酒】國子監之首官。順治初，祭酒薛公所蘊具疏讓官，以許文正相擬，遂有旨以國子監祭酒徵。元許衡，諡文正，曾官祭酒。【敦趣】

迫也。【新安】河北安漢縣東之新安鄉。【止】留也。【蘇門】在河南輝縣西北七里，一名百門山，爲太行支山。【百泉】

百門泉也，源出蘇門山下，泉通百道。【水部郎】屬工部，掌天下山瀆陂池之政令。【馬光裕】清安邑人，字繩誥，號玉筍，別號

止齋。官吏部郎中。【夏峯】奇逢移家築堂其山曰象山。【象山】宋陸九淵也。九淵講學於貴溪西南之象山。【陽明】明王

守仁也，嘗築室陽明洞中，世稱陽明先生。【和通朱子說】陸王學說與朱子不同。微君始宗陸王，後乃和通朱說。【刻砥】刻

意砥礪也。【叮咛】猶言界限。（莊子）彼且爲無叮咛，亦與之爲無叮咛。（注）無畔埒，無威儀也。【隸】僕人。【圉】養馬者。

【牧豎】牧牛童子。【鼎革】革，去故也。鼎，取新也。謂明清易代也。【平涼】今縣名，屬甘肅。【儕】輩也。【卒年】時康熙

十四年四月二十一日。【百泉書院】在輝縣西北七里，蘇門山麓百泉之左。【劉因】元容城人，字夢吉，卒封容城公。【楊

繼盛】明容城人，字仲芳，號叔山，嚴嵩構之下獄，尋棄市。【百川】名舟，寄籍上元，以制舉文名天下，年三十七卒。【論學之

書】著有四書近指、讀易大旨、書經近旨、聖學錄、理學宗傳等。【譜】凡籍錄人物而詳列其次序者曰譜。【犖犖】事分明也。

（史記）此其犖犖大者。【高陽】今河北高陽縣。【屬】付託也。【黜】退也。【訖】終也。【介于石不終日二句】（見

易）謂耿介如石，不待終竟一日，終守貞吉也。【庶幾】近辭也。

一二貞婦傳

康熙乙亥，余客涿州，館於滕氏，見僮某，獨自異於羣奴，怪之。主人曰：「其

母方氏，歛音攝人也，美姿容，自入吾家，卽涕泣請於主婦曰：「某良家子，不幸夫無藉！凡役之賤且勞者，不敢避也，但使與男子雜居同役，則不能一日以生。」會孺子疾，使存視，兼旬，睫音接不交。所養孺子凡六人，忠勤如始至。自其夫自鬻，音育卽誓不與同寢處，而夫死，疏食音嗣終其身。家人重其義，故於其子亦禮貌焉。」

戊戌秋，天津朱乾御言：「里中節婦任氏，年十七，歸符鍾奇，踰歲而鍾奇死。姑楊氏，故孀音霜也，閱六月又死。時任氏僅遺腹一女子，而鍾奇弟妹四人皆孩提，任氏保抱攜持，爲之母，爲之師，又以其間修業而息之，凡二十年，各授室有家，而節婦死。族姻皆曰：「亡者而有知也，楊氏可無懟音墜於其死，鍾奇可無憾於其親矣。」」

夫力切之苦身以勤家，多爲去聲其子也，自有任氏，而承夫之義始備焉。婦人委身於夫，而方氏非生絕其夫，不能守其身以庇其子。是皆遭事之變，而曲得其時義，雖聖賢處此，其道亦無以加焉者也。凡士之安常履順，而自檢其身，與

所以施於家者，其事未若二婦人之難也。而乃苟於自恕，非所謂失其本心者歟？

【涿州】今河北涿縣。

【歙】今安徽歙縣。

【藉】賴也。

【睫】目旁毛也。

【疏食】粗飯也。（論語）飯疏食飲水。

【黜】

怨也。

【孀嫠】寡婦也。

【遺腹】父死後所生也。（淮南子）遺腹子不思其父，無貌于心也。

【孩提】三、三歲之間，知孩笑可提。

抱者也。（孟子）孩提之童，無不知愛其親也。

【時義】義之合乎時也。

高節婦傳

節婦段氏，宛平民高位妻也。京師俗早嫁，娶位之死，節婦年十七，有二子矣。

高氏無宗親，依兄以居。喪期畢，數朔音喻以更嫁，節婦曰：『吾不識兄意，何居？吾非

難死也，無如二子何！』其兄曰：『吾正無如二子何也，我力食，能長爲妹贍。時豔

二甥乎？』節婦曰：『易耳，自今日即無累兄，但望毋羞吾貧，暇則頻過我，使人知

我尚有兄，足矣。』方是時，節婦嫁時物，僅餘一箱，直值同二千，取置門外，索半直，立

售，即日移居小市板屋中。京師地貴，或作板屋於中衢，劬音婦人貧無依者，多儻去酒

居，爲市人縫紉。音人節婦以此爲生，幾二十年。二子長，始能僦屋以居。二子幼時，節婦艱衣食，不能使就學。長子市販，中年歿；次子爲小吏，以罪謫遼左。節婦復撫諸孫。又十餘年，孫裔發憤成進士，贖其父以歸，而節婦年九十矣。

節婦性嚴毅，常早起，子婦雖老，終日侍立，不命不敢坐。裔之母谷氏，性篤孝，雞初鳴，起灑掃，奉上聲匝音移侍盥，音貫就竈下作羹食，音寺親上上聲之，食畢，然後退，率以爲常。及貴盛，姻黨皆曰：『世有太夫人年七十而執僕婢之役者乎？』將公爲節婦言之。谷氏曰：『若毋言！吾與姑故寒苦，姑習我，非我供事，姑終不適。吾皤音婆然白髮，身無疾，灑掃盥饋，以事吾姑，此日可多得耶？』

節婦以康熙戊辰卒，年九十六，距位之死，七十有九年。始節婦所僦板屋，在珠市西，及孫貴，卜居正當其地，家童數十，出入呼擁，節婦時指示子孫姻黨。京師之人，亦以爲美談云。

【宛平】縣名，今屬河北省。

【何居】怪之之辭，猶言何故也。（禮檀弓）何居，我未之前聞也。

【衢】四達道也。（爾雅）四達謂之衢。

衢。【瞻】給也，助也。【僦居】租屋也。【紉】將線擊爲兩，復撻合之以穿針。【遼左】遼河之左也。方位以左爲東。遼東，今遼寧東南境。

【匣】罍器。【盥】以盤水沃洗也。【若】汝也。【姑習我】言我事姑久，姑習慣而安之。【皤】白也。《易》黃

如皤如。【珠市西】西珠市口，今在北平正陽門外路西。【戊辰】康熙二十七年。【距】離也。

先母行略

吾母姓吳氏，先世莆音府田人，後遷京師。外祖諱勉，爲名諸生，貢成均，知同光

二州，同知紹興府事，以直節忤五路切。其地權貴人罷官，流轉江淮間。於吾宗老翁

古塗字山所見先君子詩，因女你豫切焉。

吾母生而靜正，誠意盜厄浪切。然終身無疾言遽色。五六歲時，外祖每曰：『吾

宗衰，此女乃不爲男兒！』遇經史中女事，必爲講說。及歸先君子，不及事姑，或語

去聲及先王母，輒哽咽欲淚。前母姚孺人遺女二，次姊少桀傲，母旭紆切濡久而悔

悟，勉爲孝敬。先君子中歲尤窮空，母生苞兄弟及女兄弟凡六人。一婢老不任事，

縫紵壬音浣濯灑掃炊汲，皆身執之。方冬時僅敝絮一衾，有覆而無薦，旬月中不再

食者屢焉。而先君子喜交游，江介耆舊，過從無虛日，必具肴蔬，淹留竟日。母嘗疽從子切發於背，猶勉強供事，十餘年無晷刻休暇。而先君子性嚴毅，絲粟不治，客退必詰責不少寬假。母益篤謹，無幾微見於顏面。及先君子將終，惻然曰：『與若共事五十年，若於我毫髮無愧也。』

母性孝慈，而外祖父母及舅氏皆客死，繼而吾弟早夭，兄及姊適馮氏者復中道夭，默默銜悲憂，遂成心疾。六十後患此幾二十年，每作，晝夜語不休。然皆幼所聞古嘉言懿行，及待父母時事，無涉鄙倍與背同者。臥疾逾年，轉側痛苦，見者心惻，而母恬甜音然，時微呻申音，未嘗呼天及父母。既彌留，苞及小妹在側，無戚容悲言，恐傷不肖子之心也。生平未嘗一語詈僕婢，而能使愛畏，不敢設欺誑。卒之後，內御者，老幼悲啼，過於子姓，不可曲止焉。男苞泣血述。

【莆田】縣名，今屬福建省。

【勉】字素裘，明季避倭亂，移家京師。

【成均】古之大學也，周設五大學，南曰成均，因勉清初爲拔

貢生，故云。

【同光二州】同州，府名，屬陝西，今大荔縣其舊治也。光州，清爲直隸州，屬河南，今爲潢川縣。

【同知句】爲紹興司

馬，遇海寇，攝蕭山令，平天台山賊。【忤】逆也。【流轉江淮間】鮑龍官後，流滯江南，僑寓棠邑留聲村，往來金陵。【鼇山】

名文，字爾止，號明農，順治時隱居金陵，工詩，有鼇山集。【女】以女妻人曰女。【盎然】氣盛也。（蘇軾詩）詩詞如醇酒，盎然薰四

肢。【先君子】望溪父名仲舒，字逸渠，以遺逸名。【姑】夫之母也。【王母】祖母也。【啞咽】見前與李剛主書注。【桀

傲】兇暴傲慢也。【陶濤】陶噓瀟恣也。語出莊子。【生苞兄弟】兄百川，舟，弟椒塗，林也。【女兄弟】馮氏姊，鮑氏姊

鮑氏妹也。【縫紉】補合之曰縫，織縉帛曰紉。【浣濯】去衣垢也。【薦】臥席也。【江介】介，猶界也，指沿江一帶之地言。

【耆舊】老師宿儒也。【淹】久留也。【疽】蒼毒也。舊說赤腫者爲癰，不赤腫者爲疽。【晷刻】猶時刻也。【幾微】少也。

【舅氏皆客死】伯舅嬰穆，以奔喪卒於光，叔舅敬儀，客死於淮。見本集吳公墓表。【吾弟早夭】弟椒塗卒於康熙庚子三月

初四日，年二十有一。【兄】謂百川也，卒於康熙辛巳十月二十一日，年三十有七。【心疾】如怔忡心悸等皆是。【鄙倍】

鄙，凡陋也，倍，謂背理也。（論語）出辭氣，斯遠鄙倍矣。【恬然】安也，謂安然不驚動也。【彌留】病重瀕死也。【內御】御，侍也。

內侍之人，即傭婦婢女類也。【子姓】孫也，謂子所生也。（楚語）率其子姓，從其公享。

杜蒼略先生墓誌銘

先生姓杜氏，諱峇，音戒字蒼略，號些，思遮山，湖廣黃岡人。明季爲諸生，與兄濬

避亂居金陵，卽世所稱茶村先生也。二先生行身略同而趣各異：茶村先生峻廉

隅，孤特自遂，遇名貴人，必以氣折之，於衆人未嘗接語言，用此叢忌嫉；然名在天
下，詩每出，遠近爭傳誦之。先生則退然一同於衆人，所著詩、歌、古文，雖子弟弗示
也。方壯喪妻，遂不復娶。所居室漏且穿，木榻敝帷，數十年未嘗易，室中終歲不掃
除。有子，教授里巷間，窶局羽切，艱，每日中不得食，男女啼號，聲下客至無水漿，意色間
無幾微不自適者。間過戚友，坐有盛衣冠者，卽默默去之。行於途，嘗避人，不中道
與人語，雖兒童廝斯音輿，惟恐有傷也。

初，余大父與先生善，先君子嗣從遊，苞與兄百川亦獲侍焉。先生中歲道仆，
音赴亦遂播音跛，而好聲去遊，非雨雪，常獨行，徘徊墟莽間。先君子暨苞兄弟，暇則追隨
尋花蒔，侍音玩景光，藉草而坐，相視而嘻，熙音沖然若有以自得，而忘身世之有係牽
也。辛未，壬申間，苞兄弟客遊燕聲平齊，先生悄切七小然不怡，每語聲去先君子曰：『吾
思二子，亦爲聲去君惜之。』

先生生於明萬曆丁巳四月初九日，卒於康熙癸酉七月十九日，年七十有

七。後茶村先生凡七年，而得年同。所著些山集藏於家。其子琰以冉切以某年月日卜葬某鄉某原，來徵辭，銘曰：

蔽其光，中不息也。虛而委蛇，移音與時適也。古之人歟？此其的也！

【湖廣黃岡】今湖北黃岡縣。湖南湖北曰湖廣。

【澹】字子臯，號茶村，閩百詩于杜五言律，日爲詩聖。

【廉隅】行品方正，節操

堅確之謂，猶器之有稜角也。（禮儒行）砥厲廉隅。

【孤特】獨立無助也。（史記）國家孤特獨立，而欲常存，豈不哀哉！

【叢】聚也。

【窶】貧陋也。（詩）終窶且貧。

【厮】厮役。

【輿】輿臺，賤役也。

【大父】望溪祖名幟，字漢樹，號馬溪，歲貢生，有文名，官興化縣

學教諭。

【仆】跌倒也。

【跛】足偏廢也。

【墟莽】墓地之有宿草者。

【暨】及也。

【詩】更種也。

【嘻】笑也。

【燕

齊】河北山東。

【悄然】無聲曰悄，猶云默然也。

【康熙】清聖祖年號。

【委蛇】委曲貌。（易林）委蛇循河。

【的】射侯之

中也。（詩）發彼有的。

李抑亭墓誌銘

雍正十年冬十月朔後九日，過吾友抑亭，遂赴海淀。電音次日歸，聞抑亭厥同

而瘖，陰音日再往視，越六日而死。始予見君於其世父文貞公所，終日溫溫，非有問

不言；及供事蒙養齋，始習而慕焉。期基音月而後，與後通無貴賤老少，背佩音面皆曰：

「李君君子人也！」其後予移武英殿領修書事，首舉君自助，殿中無貴賤老少，稱之如蒙養齋。君自入翰林，再充順天鄉試同考官，典試雲南，士論翕然。視學江西，高安朱相國每曰：「百年中無或並也！」按察使李蘭，以咨革諸生，君常難之。劾君牽制有司之法，而彈章亦具列其廉明。予自獲交文貞，習於李氏族姍，及泉漳章音間士大夫，其私論鄉人各有向背，而信君無異辭。君被劾，當降補國子監丞，羣士日夜望君之至。既受職，長官相慶，而泄事未彌月。用此六館之士，尤深痛焉。

往者歲在戊申，君弟鍾旺厥而瘖，卒於君寓，予既哭而銘之。君在江西，喪其良子清江，又爲之銘，以塞君悲。而今復見君之死！古者親舊相與宴樂，而樂歌之辭，乃曰死喪無日，無幾相見，有以也。君在蒙養齋及殿中，與予共晨夕各一二年。返自江西，無兼旬不再，三見者。辛亥春，予益病衰，凡公事，必私引君自助，無旬日不再，三見者。一日不見而君疾，一言不接而君死，故每欲銘君，則愴楚壯切然不能

舉其辭。喪歸有日矣，乃力疾而就之。

君諱鍾僑，字世邠，

音彬

福建泉州安溪縣人。康熙壬午舉於鄉，壬辰成進士，年

四十有四。所著論語孟子講蒙十卷，詩經測義十卷，易解八卷，藏於家；尙書周官，皆有說未就。父諱鼎徵，康熙庚申舉人，戶部主事，誥授奉直大夫。母莊氏，贈宜人。兄弟五人，四舉甲乙科。兄天寵，自入翰林十餘年，與君相依，皆不取室人自隨，痛兩弟羈音基死，乃引疾送君之喪以歸。君娶黃氏，敕封孺人。子五人，四舉甲乙科。長清載，庚戌進士，兵部武選司額外主事。次清芳，癸卯舉人，揀選知縣。次清江，癸卯舉人，揀選知縣。次清愷，壬子副榜貢生。次清時，壬子舉人，世父撫爲己子女。一適士族。以某年月日，葬於某鄉某原。銘曰：

蓄之也深，而施者微。將踵武於儒先，而年命摧。悼予生之無成，猶有望者夫！
扶音人而今誰與歸？

【雍正】清世宗年號。

【海淀】

見前送王鶴林南歸序注。

【厥而瘡】

氣逆眩仆，口不能言。

【文貞公】

名光地，字晉卿。康

熙九年進士，官至大學士，謚文貞。【蒙養齋】內廷齋名也。【期月】匝一月也。【武英殿領修書事】康熙六十一年六

月奉命充武英殿修書總裁。【朱相國】名軾，字若瞻，一字可亭，江西高安人。康熙進士，官大學士。【咨】咨文也。【難】詰責

也。【泉漳】清福建泉州漳州二府名。【洩】臨也。【彌月】終月也。【詩】誕彌厥月。【戊申】雍正六年。【辛亥】雍正

九年。【鍾旺】字世賈，康熙戊子舉人，考授中書，潛心洛閩之學，以薦充性理精義纂修官，著有憶訓錄、重申錄、周官劄記、諸經雜解

等書。【愴然】悲傷貌。【力疾】謂強持病體也。【安溪】今福建安溪縣。【壬午】康熙四十一年。【壬辰】康熙五十

一年。【鼎徵】光地季弟，字安卿，康熙舉人，精算學，爲梅文鼎刻方程論於泉州。【甲乙科】舉人爲乙科，進士爲甲科。【天

寵】鼎徵子，字世來，號鑑堂，康熙乙未進士，官編修。生平勵節操，邃於經學，以注經講道爲業。【羈死】客死在外也。【揀選

知縣】舉人會試報罷，選其文之尤者，以知縣用。【夫人】謂抑亭也。

陳馭虛墓誌銘

君諱典，字馭_{御音}虛，京師人。性豪宕，_{蕩通}喜聲色，狗馬爲富貴容，而不樂仕宦。少

好方術，無所不通，而獨以治疫爲名。疫者爲君來視，卽自慶不死。京師每歲大疫，

自春之暮，至於秋不已。康熙辛未，予遊京師，僕某_{搆音}遘疫，君命市冰，以大罌_{嬰音}貯

之，使縱飲，須臾盡，及夕，和藥下之，汗雨注，遂愈。予問之，君曰：『是非醫者所知也。』

此地人畜駢便平聲闐田音食腥羶尸連切家無溷胡困切匱同汗溼薛音彌溝衢而城河久

溼煙音無廣川大壑以流其惡。方春時地氣償奔音盈上達淫雨汎溢炎陽蒸之中聲去

人膈隔音臆億音困憊淋音忿蓄而為厲疫。冰氣厲而下滲聲森去非此不足以殺曬音其惡

故古者藏冰用於賓食喪祭而老疾亦受之民無厲疾吾師其遺意也。」

予嘗造七到切君見諸勢家敦迫之使麀均音至使者稽啓音首階下君伏几呻吟

固卻之退而嘻曰：『若生有害於人死有益於人吾何視為！』君與貴人交必狎

侮出媠慢音語相訾子音訾敖音諸公意不堪然獨良其方無可如何。予得交於君因大

理高公。公親疾召君不時至獨予召之夕聞未嘗至以朝也。君家日饒益每出從

騎聲去十餘飲酒歌舞旬月費千金。或勸君謀仕君曰：『吾日活數十百人若以官

廢醫是吾日殺數十百人也。』諸勢家積怨日久謀曰：『陳君樂縱逸當以官為

維婁可時呼而至也。』因使太醫院檄亦音取為醫士君遂稱疾篤飲酒近女數月

竟死。

君之杜門不出也，予將東歸，走別君，君曰：『吾踰歲當死，不復聲去見公矣。公

知吾謹事公意乎？吾非醫者，惟公能傳之，幸爲我德！』乙亥，予復至京師，君柩果

殓，四音遺命必得余文以葬，予應之而未暇以爲。又踰年，客淮南，始爲文以歸其孤。

君生於順治某年某月某日，卒於康熙某年某月某日，娶某氏，子某。銘曰：

義從古，迹戾世，隱於方，尙其志。一憤以死避權勢，胡君之心與人異！

【豪宕】逞其意氣，無檢制也。【爲富貴容】言一切容止舉動，若富貴者也。【辛未】康熙三十年。【遘】遭也。【市】買

也。【罌】瓶之大腹小口者。【駢鬪】駢，並也，鬪，滿也，言人畜衆也。【腥羶】魚臭曰腥，羊臭曰羶。【溷圪】溷，廁也，圪，亦廁

也。（莊子庚桑楚）觀室者周於廢廟，又適其偃焉。【溲】汗也。【彌】徧也。【湮】塞也。【僨】驕不可禁之勢。【淫雨】久

雨也。【膈臆】膈，胸膈也，在胸部之下，腹部之上，臆，當胸之處。【困悞】氣熏鼻臭不通之謂。（莊子天地）五臭熏鼻，困悞中類。

【滲】下泄也。【殺其惡】殺，減削也，言減其惡穢也。【古者藏冰三句】（左昭）日在北陸而藏冰，西陸朝覲而出之。其藏冰

也，深山窮谷，涸陰沍寒，於是乎取之。其出之也，朝之祿位，賓客喪祭，於是乎用之，而自命夫命婦，至於老疾，無不受冰。【麤至】羣至

也。【稽首】下拜首至地也。【呻吟】有疾病而發聲也。【媢語】媢，侮之語也。【訾警】詆毀也。【大理】掌刑法之官，

秦漢改爲廷尉，北齊復爲大理卿，歷代因之。【高公】名喬，字素侯，宛平人，由翰林官至大理卿。【維婁】繫馬曰維，繫牛曰婁。

【太醫院】掌宮廷醫藥。【篤】疾甚也。【乙亥】康熙三十四年。【肆】埋棺坎下也。【淮南】今江蘇淮安縣等地。

【義從古二句】言行義從古，而行事背世也。【隱於方】言隱於方術，而高尚其志也。

萬季野墓表

季野姓萬氏，諱斯同，浙江四明人也。其本師曰念臺劉公。公既歿，有弟子曰黃宗羲梨洲。浙人聞公之風而興起者，多師事之，而季野與兄充宗最知名。季野少異敏，自束髮未嘗爲時文，故其學博通，而尤熟於有明一代之事。年近六十，諸公以修明史延至京師。士之遊學京師者，爭相從問古儀法，月再三會，錄所聞共講肄；惟余不與。而季野獨降齒德而與余交，每曰：『子於古文信有得矣，然願子勿溺也。唐宋號爲文家者八人，其於道粗有明者，韓愈氏而止耳。其餘則資學者以愛玩而已，於世非果有益也。』余輟古文之學而求經義自此始。

丙子秋，余將南歸，要邀音余信宿其寓齋，曰：『吾老矣，子東西促促，吾身後之事，豫以屬燭音子，是吾之私也。抑猶有大者，史之難爲久矣，非事信而言文，其傳不

顯。李翱曾鞏所譏。魏晉以後，賢好事迹，並暗昧而不明，由無遷固之文，是也；而在
今則事之信尤難。蓋俗之偷久矣；好惡因心，而毀譽隨之，一室之事，言者三人，而
其傳各異矣。況數百年之久乎？故言語可曲附而成，事迹可鑿空而構，其傳而播
之者，未必皆直道之行也；其聞而書之者，未必有裁別之識也；非論其世，知其人，
而具見其表裏，則吾以爲信，爲人受其枉者多矣。吾少館於某氏，其家有列朝實
錄，吾默識誌同暗誦，未敢有一言一事之遺也。長遊四方，就故家長老求遺書，考問
往事，旁及郡志邑乘，雜家誌傳之文，靡不網羅參伍，而要以實錄爲指歸。蓋實錄
者，直載其事與言，而無可增飾者也。因其世以考其事，覈音核其言而平心以察之，
則其人之本末可八九得矣。然言之發或有所由，事之端或有所起，而其流或有
所激，則非他書不能具也。凡實錄之難詳者，吾以他書證之；他書之誣且濫者，吾
以所得於實錄者裁之；雖不敢具謂可信，而是非之枉於人者，蓋鮮上聲矣。昔人於
宋史已病其繁蕪，而吾所述將倍焉，非不知簡之爲貴也，吾恐後之人務博而不

知所裁，故先爲之極，使知吾所取者有可損，而所不取者，必非其事與言之真，而不可益也。子誠欲以古文爲事，則願一意於斯，就吾所述，約以義法而經緯其文，他日書成，記其後曰：此四明萬氏所草創也，則吾死不恨矣！因指四壁架上書曰：『是吾四十年所收集也，踰歲吾書成，當並歸於子矣。』又曰：『昔遷固才既傑出，又承父學，故事信而言文。其後專家之書，才雖不逮，猶未至如官修者之雜亂也。譬如入人之室，始而周其堂寢，音通區焉，繼而知其蓄產禮俗焉，久之其男女少長，性質剛柔，輕重賢愚，無不習察，然後可制其家之事也。官修之史，倉卒而成於衆人，不暇擇其材之宜與事之習，是猶招市人而與謀室中之事耳。吾欲子之爲此，非徒自惜其心力，吾恐衆人分操割裂，使一代治亂賢奸之迹，暗昧而不明。子若不能，則他日爲吾更擇能者而授之。』

季野自志學，卽以明史自任，其至京師，蓋以羣書有不能自致者，必資有力者以成之，欲竟其事，然後歸。及余歸踰年，而季野竟客死，無子弟在側，其史藁及

羣書，遂不知所歸。余述音屯遘諸切轍音坎軻苦何切於所屬史事之大者，既未獲從事，而傳誌之文，亦久而未就。戊戌夏六月，臥疾塞上，追思前言，始表而誌之，距其歿蓋二十有一年矣。

季野行清而氣和，與人交，久而益可愛敬。其歿也，家人未嘗訃余，余每欲赴其家弔問而未得也；故於平生行迹，莫由敘列，而獨著其所聞齒演切。明於史法者，季野所撰本紀列傳凡四百六十卷，惟諸志未就，其書具存華亭王氏，淮陰劉永禎錄之過半而未全，後有作者，可取正焉。

【四明】山名，在浙江鄞縣西南一百五十里。

【念臺劉公】名宗周，字起東，山陰人，學者稱念臺先生。崇禎時歷官左都御史，致仕。明南都亡，杭州又陷，絕食二十三日卒。

【黃宗羲】明餘姚人，字後沖，號梨洲。受業宗周。江南奄黨彈劾宗周，並及宗羲，會清兵至，得免。

【充宗】名斯大，湛思諸經，尤精春秋三禮，學者稱樞夫先生。

【東髮】成童之年也。（大戴禮）束髮而就大學。

【時文】應試之文，即八股文。

【諸公】謂岷山徐元文，丹徒張玉書，澤州陳廷敬，華亭王鴻緒也。

【八人】韓愈、柳宗元、歐陽修、蘇洵、蘇軾、蘇轍、王安石、曾鞏也。

【丙子】康熙三十五年，時望溪年二十有九。

【要】約也。

【信宿】再宿爲信。（詩）有客信信。

【促促】迫也。（韓愈進學解）雖常途之促促。

【屬】託付也。

【李翱】字習之，古文與韓愈齊名。

【曾鞏】宋人，字子固，爲唐宋八大家。

之一。【遷固】司馬遷，班固。【構】造也。【少館於某氏】謂崑山徐元文也。時元文重季野，請主其家。【實錄】史體名

稱，專記帝王一人之事迹。【郡志】即府志。【邑乘】即縣志。【維家誌傳之文】誌墓誌也，傳家傳也。漢書藝文志：雜家

者流，蓋出於議官，兼備墨，合名法。【網】搜尋也。漢書：網羅天下放失舊聞。【參伍】參，三也，伍，五也，或三或五，以相參合也。

【數】驗也。【裁】裁奪也。【宋史句】宋史四百九十六卷，元脫脫等撰，列傳多取墓誌家傳掇拾而成，故卷帙之多，前史所未

有也。【承父學】司馬遷父談，爲太史令，遷繼父業，作史記。班固父彪，繼司馬遷之史記作漢書，書未成，固續成之，故曰承父學。

【寢】寢室也。【晏】見前陳馭虛墓誌銘注。【溜】浴室謂之溜。【制】裁制也。【客死】康熙四十一年，年六十，卒於京師。

【史藁及羣書不知所歸】時旁無親屬，編修錢名世以弟子爲喪主，兼取其書去，時望溪南歸。【迍遭】通作屯遭，難行不

進貌。【轆軻】車行不利也，與迍遭俱借言人之不遇也。【戊戌】康熙五十七年。【闡】闡也，顯也。【其書具存華亭

王氏】王氏，謂華亭王鴻緒也，王有明史稿三百十卷，乾隆初刊定明史，以是稿爲本，而增損之，此稿實出季野手。見國朝學案小識。

【淮陰】見前送左未生南歸序注。

仁和湯氏義田記

仁和，縣名，今并錢塘爲杭縣。

仁和湯少宰西涯置義田如千畝，以贍其族人，式法一取之吳郡范氏少宰

卒於京師，其子學基將御匱與概同以歸，請余記之。

傳曰：『尊祖故敬宗，敬宗故收族。』先儒嘗歎宗法不行，則民俗無由淳，國勢無由固。然其所以不行者有說焉：古之時大功同財，而有祿者必仁其族，其平時飢寒相恤，死病相救；故有事則聚族而謀，犯難去聲去國，以其族行，而莫之敢貳也。自秦人子壯出分，後世沿以爲俗，期基音之兄弟，能不異居與財者鮮矣；故士大夫家累鉅萬，其親屬或不蒙其潤澤，況族人乎？是以平居相視如途人，甚則號平聲呶尼敖切，詬音誅音粹音碎音，又而莫之能禦。吳、楚、閩、越山澤鄉邑之閒，族聚者常千百人，而宗法無一能行，此之故也。

余嘗至吳郡，聞范氏之家法：宗子正位於廟，則祖父行俛與俯同首而聽命，過愆辯訟，皆於家廟治之；故范氏之子孫，越數百年，無受罰於公庭者。蓋以文正置義田，貧者皆賴以養，故教法可得而行也。嗟乎！世之厚自封殖者，徒以私其子孫耳；然易世以後，貨以悖出，而子孫無一壠呂勇切之植者多矣。文正置義田以贍其族也，而子孫享之者，垂七百年，天道人事之類應而不忒他黑切。如此，不可謂愚者。

之炯鑿哉！少宰家無贏盈音餘，所遺於子若孫者，尙不及義田之半，可謂能厚其本

根者矣。學基請記其事，豈惟揚父之美，亦欲其族人羣相勸旭音於范氏之家法也。

【湯少宰西涯】名右曾，字西涯。俗稱吏部侍郎爲少宰，時西涯由翰林院掌院學士，遷是職。【義田】置田以贍族人，號曰義田。

【如干】猶若干也。【吳郡范氏】吳郡，卽舊蘇州府治。宋范仲淹後徙蘇州，爲吳縣人，始創義田，詳見錢公輔所作義田記。【學

基】西涯子六人，在官，在藻，學植，學聚，學基，學顯。【宗法】宗者，尊也，古有大宗小宗之別。（禮大傳）別子爲宗，繼別爲宗，繼禰爲

小宗。（注）別子爲祖者，謂公子始來此國者，後世以爲祖也。繼別爲宗，別子之世嫡，族人宗之，謂之大宗。繼禰爲小宗，父之嫡子，兄弟宗

之，故曰小宗。（爾雅正義）大宗能率小宗，小宗能率羣弟，通其有無，所以紀理族人也。【大功同財】大功，喪服名，治麻布之粗者，

本宗親近者所服。（儀禮注）大功之親，謂同財者也。【有祿者句】族，服屬之疏者，古時有祿者必仁其族，不以疏遠而漠視也。

【秦人子壯出分】謂分宅而居也。見賈誼治安策。【期之兄弟】期服之兄弟，卽同父兄弟也。【號呶】叫號喧譁也。

（詩）載號載呶。【詬誶】辱罵也。【吳楚】今江蘇安徽江西湖南湖北等處。【閩越】今福建浙東與廣東東境等處。【族聚

者二句】因上述諸處，有族制，無宗法，故有事惟秉承族長。【宗子正位二句】宗子，謂范氏大宗之嫡長子也，惟行宗法，故祖

父行俛首聽命，與閩越等處，聽命族長者不同。【封殖】封，厚也，殖，長也。（左昭）季武子曰，宿敢不封殖此樹。【悻悻】悻，逆也。

（大學）貨悻而入者，亦悻而出。【壠】丘壠。【忒】差也。（詩）昊天不忒。【炯鑿】猶言明鑿也。

游雁蕩記

雁蕩，山名，在浙江樂清縣東九十里，絕頂有湖，水常不涸，雁之春歸者，留宿焉，故曰雁蕩。

癸亥仲秋望前一日，入雁山，越二日而反。古蹟多榛蕪，不可登探，而山容壁色，則前此目見者所未有也。鮑甥孔巡曰：『盍記之？』余曰：『茲山不可記也。永柳諸山，乃荒陬音鄒中一邱一壑，子厚謫居，幽尋以送日月，故曲盡其形容。若茲山則浙東西山海所蟠音盤結，幽奇險峭，音俗殊形詭音癸狀者，實大且多，欲雕繪而求其肖似，則山容壁色，乃號爲名山者之所同，無以別其爲茲山之巖壑也。』而余之獨得於茲山者，則有二焉：

前此所見，如皖音緩桐之浮山、金陵之攝山、臨安之飛來峯，其崖洞非不秀美也，而愚僧多鑿爲仙佛之貌相，音去聲俗士自鑄音切子全名字，及其詩辭，如瘡瘡音切羽蹶音蹶，音切固衛然而入人目；而茲山獨完其太古之容色，以至於今。蓋壁立千仞，不可攀援；又所處僻遠，富貴有力者無因而至，卽至亦不能久留構架鳩工以自標揭，所以終不辱於愚僧俗士之剝鑿也。

又凡山川之明媚者，能使遊者欣然而樂，而茲山巖深壁削，仰而觀，俯而視

者，嚴恭靜正之心，不覺其自動。蓋至此則萬感絕，百慮冥，而吾之本心，乃與天地之精神，一相接焉。

察於此二者，則修士守身涉世之學，聖賢成己成物之道，俱可得而見矣。

【癸亥】乾隆八年，時望溪年七十有六。

【榛蕪】荒蕪也。

【永柳諸山】永州，今湖南零陵縣治。柳州，今廣西馬平縣治。如鉅

鑄潭、西小丘、西山、小石城山等，柳子厚皆有記。

【子厚謫居】子厚，柳宗元字，永貞元年，王叔文敗，貶永州司馬。元和十年，徙柳州

刺史。

【皖桐】皖南之桐城縣。

【浮山】見前送左未生南歸序注。

【金陵】今江寧縣也。

【攝山】名繖山，以狀如繖也，在

城東北四十里，山多藥草，可以攝生，故名。一名棲霞山，有千佛巖、天開巖、白乳泉、品外泉諸勝。

【臨安】今浙江杭縣。

【飛來峯】

在杭縣靈隱山東南（輿地志）晉時西僧慧理登此，嘆曰：此是中天竺國靈鷲山之小嶺，不知何年飛來，因號其峰曰飛來，亦名靈鷲。

【鐫】雕刻也。

【瘡疥】癢痕也。（抱朴子）生瘡疥於玉肌。

【蹶然】驚起貌。（禮孔子閒居）子夏蹶然而起。

【壁立千仞】八

尺曰仞。壁立，謂石壁聳立也。（張孟陽劍閣銘）是曰劍閣，壁立千仞。

【構架鳩工句】鳩，聚也。標揭，即鑿仙佛像及刻其名字詩辭

也。因石壁高峻，故須構架爲之。

【明媚】謂山川鮮明而悅目也。

【冥】默也。

記姜西溟遺言

西溟名宸英，學者稱湛園先生。

余爲童子，聞海內治古文者數人，而慈谿姜西溟_{切莫經}其一焉。壬申適京師，

西溟不介而過余，總其文，屬討論，曰：「惟子知此，吾自度鐸音，尙有不止於是者，以溺於科舉之學，東西奔迫，不能盡其才，今悔而無及也。」時西溟長掌音，余以倍而又過焉，而交余若儕輩。

其後丙子同客天津，將別之前夕，撫余背而歎曰：「吾老矣！會見不可以期。吾自少常恐爲文苑傳中人，而蹉跎至今。子他日誌吾墓，可錄者獨三事耳：吾始至京師，明氏之子成德，延至其家，甚忠敬，一日進曰：「吾父信我，不若信吾家某人，先生一與爲禮，所欲無不可得者。」吾怒而斥曰：「始吾以子爲佳公子，今得之矣。」卽日卷書裝遂與絕。崑山徐司寇健菴，吾故交也，能進退天下士，平生故人，並退就弟子之列，獨吾與爲兄弟稱。其子某作樓成，飲吾以落之，曰：「家君云，名此必海內第一流，故以屬先生。」吾笑曰：「是東鄉擊去，可名東樓。」健菴聞而憾焉。常熟翁司寇寶林，亦吾故交也。每乞吾文，曰：「吾名不見子集中，是吾恨也。」及翁以攻湯司空斌，彬音驟遷據其位。吾發憤爲文，謂古者輔教太子有太傅少

傳之官；太傅審父子君臣之道以示之；少傅奉太子以觀太傅之德行而審諭之；今詹事有正貳，卽古太傅少傅之遺也。翁君之貳詹事，其正實睢州湯公。公治身當官立朝，斬然有法度，吾知翁君必能審諭湯公之德行，以導太子矣。翁見之撫武音然長跽忌音而謝曰：「某知罪矣，然願子勿出也。」吾越日刊而布之。翁用此相操尤急，此吾所以困至今也。」

時西溟年七十餘，始舉於京兆；又踰年成進士。適翁去位，長洲韓公葵吐敢切薦於上，得上甲。己卯主順天鄉試，以目昏不能視，爲同官所欺，掛吏議，遂發憤死刑部獄中。西溟之治古文也，其名不若同時數子之盛，而氣體之雅正實過之。至不能盡其才，則所自知者審矣。平生以列文苑傳爲恐，而末路乃重負污累，然罪由他人，人皆諒焉。而發憤以死，亦可謂狷音隘倚賣切而知恥者矣！

西溟之死也，其家人未嘗以誌銘屬余。而余困躓致音流離，與其家不通問者，計數已十有九年，故傳其語，俾衆白於其本志之所蓄云。

【慈谿】縣名，今屬浙江省。

【壬申】康熙二十一年，時望溪年二十有五。

【不介】不需紹介也。

【溺】沈湎不返口溺。

【科舉之學】四書文也，俗稱八股文。

【丙子】康熙三十五年。

【天津】今河北天津縣。

【文苑】史志有文苑傳，皆記載

文人之言行。

【蹉跎】失時也。（晉書周處傳）欲自修而年已蹉跎。

【明氏】滿人，明珠也，姓納喇氏，累官至大學士，植黨營私，御

史郭琇劾之。

【成德】卽納蘭性德，字容若，明珠子。

【信吾家某人】謂幸僕安三也。時僕勢傾京師，內外官僚多事之。

【崑

山】今縣名，屬江蘇省。

【徐健庵】名乾學，字原一，健庵其號也，累官刑部尙書。

【司寇】官名，清時稱刑部尙書爲大司寇。

【落】宮室始成所行之禮式也。（左昭）楚子成章華之臺，願與諸侯落之。

【東樓】明嚴世蕃，號東樓，權相嵩子，佐其父爲奸，西漢

舉此以嘲諷耳。

【常熟】今江蘇常熟縣。

【翁寶林】名叔元，字寶林，號鐵庵，官至刑部尙書。

【湯斌】字孔伯，一字荆峴，號潛

庵，官至刑部尙書。

【司空】官名，清稱工部尙書爲大司空。

【太傅少傅】俱官名。

【詹事】官名，唐建詹事府，設太子詹事

少詹事，總東宮內外庶務，歷代因之。

【睢州】今改縣，屬河南省。

【蹠】長跪也。（史記）項王按劍而蹠。

【相操尤急】執行

其過火，而急切以陷之也。

【年七十餘三句】康熙丁丑，西漢年七十，入北闕，後達格，受卷官見之，嘆曰：此老今年不第，將絕望而

歸耳，爲改正之，遂成進士。見全謝山姜先生墓表。

【長州】清縣名，今并入吳縣。

【韓葵】字元少，別字慕廬，康熙間會試殿試

皆第一，官至禮部尙書。

【得上甲】（全謝山姜先生墓表）奉大對，聖祖識其手書，特拔置第三人，賜及第，授編修。

【己卯】康熙

二十八年。【狷】介也。

【隘】狹也。

【困躓】事不利也。（唐書杜牧傳）牧困躓不自振。

【流離】轉徙道路也，指南山集牽連

下獄遂籍漢軍事。

左忠毅公逸事

左名光，弘光朝諡曰忠毅。詳見前孫徵君傳注。

先君子嘗言鄉先輩左忠毅公視學京畿，一日，風雪嚴寒，從數騎出，微行入古寺，廡武音下一生伏案臥，文方成草，公閱畢，卽解貂騷音覆生，爲掩戶，叩之，寺僧則史公可法也。及試，吏呼名至史公，公瞿然注視，呈卷，卽面署第一。召之，使拜夫人，曰：『吾諸兒碌碌，他日繼吾志事，惟此生耳！』

及左公下廠獄，史朝夕獄門外，逆闔防伺甚嚴，雖家僕不得近。久之，聞左公被炮庖音烙洛音，旦夕且死，持五十金，涕泣謀於禁卒，卒感焉。一日，使史更聲平敝衣草屨句音，背筐匡音，手長鑱切土術，爲除不潔者，引入微指左公處，則席地倚牆而坐，面額焦爛不可辨，左脅以下，筋骨盡脫矣。史前跪抱公膝而嗚咽，公辨其聲，而目不可開，乃集臂以指撥眥切集義，目光如炬，怒曰：『庸奴！此何地也？而汝來前！國家之事，糜爛至此，老夫已矣！汝復輕身而昧大義，天下事誰可支拄者？不速去，無俟姦人！』

構陷，吾今卽撲殺汝！』因摸地上刑械，作投擊勢。史噤不敢發聲，趨而出。後常流涕述其事以語人曰：『吾師肺肝，皆鐵石所鑄造也！』

崇禎末，流賊張獻忠出沒，音黃潛桐間，史公以鳳廬道奉檄守禦，每有警，

輒數月不就寢，使將士更休，而自坐幄幕外，擇健卒十人，令二人蹲音踞而背

倚之，漏鼓移則番代。每寒夜起立，振衣裳，甲上冰霜迸布落，鏗音然有聲。或

勸以少休，公曰：『吾上恐負朝廷，下恐愧吾師也！』史公治兵往來桐城，必躬造

左公第，候太公太母起居，拜夫人於堂上。

余宗老諱山，左公甥也，與先君子善，謂獄中語，乃親得之於史公云。

【京畿】近京之地曰畿輔，謂忠毅督學河南時。【微行】微服間行。【廡下】廊下也。【草】稿也。【解貂覆生】自解貂

裘，蓋生身也。【史公可法】字靈之，一字道潛，河南祥符人，原籍大興。福王立，以兵部尙書，武英殿大學士，督師揚州，清兵至，不屈

死。【瞿然】心驚貌。【禮檀弓】曾子聞之擗然。【注視】注目而視。【署】題也。【使拜夫人】忠毅使可法入見其妻。

【碌碌】凡庸貌。【史記】九卿碌碌奉其官。【下廠獄】東廠，太監所設，明制特許其有司法權。忠毅下獄，在天啓四年十一月。

【史朝夕獄門外等句】史公探獄事，詳見明人署名燕客所撰詔獄慘言。【逆閹】謂魏忠賢。【炮烙】殷紂用銅柱火

實其中，以罪人貼柱，觀其狀以爲樂。【禁卒】即獄卒。【長鏡】除草土器。（杜甫詩）長鏡長鏡白木柄。【爲除不潔者】僞

作掃地夫役。【微】隱也。【嗚咽】泣聲也。（蔡琰詩）行路亦嗚咽。【眚】眼皮也。【糜】粥也，如粥之爛。【構陷】構造蜚

語，以陷可法也。【刑械】手足上之刑具。【噤】不作聲也。（史記）悵然噤口不能言。【吾師】謂左公。【流氓】聚衆擄掠，

轉徙無常，謂之流氓。【張獻忠】明延安衛人，與李自成寇山陝河南等地，據武昌，稱大西國王。年號大順。後爲清肅王豪格射殺。

【蕲】今蕲春蕲水二縣，屬湖北。【黃】今黃岡縣，屬湖北。【潛】今潛山縣，屬安徽。【桐】今桐城縣，屬安徽。【鳳廬道】鳳

今安徽鳳陽縣。廬，今安徽合肥縣。（明史史可法傳）崇禎八年，命盧象昇大舉討賊，改可法副使，分巡安慶池州。【更休】更番休息。

【蹲踞】展兩足如箕也。【漏鼓】記時之更鼓。【番代】更番相代。【迸落】散落也。【治兵往來桐城】史公分巡安

慶池州時，賊撲桐城，公與參將潘可大擊走之。賊又合衆屯桐城之練潭石井，總兵官劉良佐等擊敗之。見明史史可法傳。【太公太

母】左公之父母也。【盍山】見前，先母行略。

記吳紹先求二弟事

吳紹先，山西平陽府稷山縣人。少讀書，略解文義，十三喪父，十六喪母，有二弟，季年十一，與從兄偶出，遂絕蹤。又數年，仲以博塞失負逃。紹先負販以迹之，南出襄洛，西歷劍州，東至黑龍江，積十有六年，卒同時而得之。

其求仲也，出塞抵寧古塔豪家，以情請。豪隘阿葛切與阨同之，乃冒公人入軍府訟，軍吏庇豪，欲威懾紹先，以應對失儀，捶主委切其面，血淋漓。紹先辭愈強直，卒白大帥，持其弟以歸。時仲冬，沍音護寒，夜經大臥磯，行者皆墮音惰指。紹先與弟相推挽，顧而曰：『此中人，未有如我樂者也！』比切必二入塞，爪甲脫爛無存者。至京師，待季偕行。知其事者，爭傳說公卿賢士間，多就而禮貌之。紹先赧奴版切然，若無以容，衣敝履穿，或贈遺終不受。有與同寓者，聞其哭失聲，就視之，則讀魯論父母之年章也。

嗚呼！人知有父母，則愛其同生。賢人君子，知尊祖則能敬宗而收族矣。聖人知崇如天，故能帥音率天地之性，視天下疲癯音隆殘疾，惇音瓊獨鰥寡，皆吾兄弟之顛連而無告者。若恩薄於同生，則是不知有父母，人之道不宜有是也！而俗之儉昧此義者，蓋累累焉。故紹先所爲甚庸無奇，而名稱以動於時，茲錄而傳之，亦將使昧者自循省也。

【平陽府】今山西臨汾縣治。

【稷山】今山西稷山縣。

【從兄】同祖之兄。

【博塞】局戲也。（莊子）則博塞以遊。

【失

負敗也。【迹】謂尋其蹤迹也。【襄洛】襄陽，洛陽。【劍州】今四川劍閣縣。【黑龍江】黑龍江城，在黑龍江西，舊名齊

齊哈爾，清季改爲省會。【寧古塔】地名，今吉林寧安縣治。【豪家】勢豪之家，卽當時滿族有勢力者。【隘】阻遏也。【國策】

太子辭於齊王而歸，齊王隘之。【軍府】黑龍江未改省前之將軍府也。【捶擊也】。【淋漓】霑濡貌。《韓愈詩》赤龍拔鬚血

淋漓。【沍寒】嚴寒凍蔽之象。《左昭》深山窮谷，固陰沍寒。【大臥磯】未詳。按《一統志》寧古塔城西九十里有大石，廣二十餘

里，在瑚爾哈湖畔，名曰德林石，疑似，俟考。【墮指】指凍而爛，如墮落也。【推挽】引之使前也，後送曰推，前牽曰挽。《左襄》或推

之，或挽之。【比】及也。【赧然】慙而面赤貌。《孟子》觀其色，赧赧然。【魯論父母之年章】《論語》父母之年，不可不知也，

一則以喜，一則以懼。按傳論語者，有齊魯二家。魯論者，魯人所傳，卽今之論語二十二篇也。【師】遵循也。【疲癯】衰頹老病也。

《史記》臣不幸有疲癯之疾。【惛獨】孤苦之人也。《詩》哀此惛獨。【鰥寡】老而無妻曰鰥，老而無夫曰寡。《書》不敢侮鰥寡。

【顛連】困苦也。【偷】薄也。【累累】言多也。

高陽孫文正公逸事

孫名承宗，見前孫徵君傳注。

杜先生畧嘗言歸安茅止生，習於高陽孫少師。道公天啓二年，以大學士經略薊計音，置酒別親賓，會者百人。有客中坐前席而言曰：「公之出，始吾爲國慶，而今重有憂。封疆社稷，寄公一身，公能堪，備物自奉，人莫之非。如不能，雖毀身家，

責難道，

換音

況儉穀

斛音

乎？

吾見客食皆鑿，

作音

而公獨飯粗，節小名以鎮物，非所以負

天下之重也。」

公揖而謝曰：「先生誨我甚當，

聲去

然非敢以爲名也。好衣甘食，吾

爲秀才時固不厭，自成進士，釋褐而歸，念此身已不爲己有，而朝廷多故，邊關日

駭，恐一旦肩事任，非忍饑勞，不能以身率衆，自是不敢適口體，強自勸厲，

勵同

以至

於今，十有九年矣。」

嗚呼！公之氣折逆奄，明周萬事，合智謀忠勇之士以盡其材，用危困瘡痍之

卒以致其武，唐宋名賢中，猶有倫比。至於誠能動物，所糾

記西切

所斥，退無怨言，叛

將遠人，咸喻其志，而革心無貳，則自漢諸葛武侯而後，規模氣象，惟公有焉。是乃

克己省身，憂民體國之實心，自然而愾，

迄同

乎天下者，非躬豪傑之才，而概乎有聞

於聖人之道，孰能與於此？然惟二三執政，與中樞邊境，事同一體之人，實不能容。

易曰：「信及豚魚。」媚

冒音

嫉之臣，乃不若豚魚之可格，可不懼哉！

【歸安】縣名，今并爲吳興縣。

【茅止生】名元儀，見前孫徵君傳注。

【天啓】明熹宗年號。

【以大學士經略薊遼】見

前孫徵君傳注。【前席】移坐而前也。【封疆】境內近郊地。【社稷】國家之代稱，古滅國，則變置其社稷，故謂國家爲社稷。

【能堪】能勝任也。【道】逃避也。【書】自作孽，不可道。【穀】薄也。【管子】剛而不穀。【鑿】舂米使精白曰鑿。【左桓】黍食不鑿。

【釋褐】褐，毛布，舊制，殿試後，新進士詣太學釋褐，行釋菜禮，簪花飲酒而出，謂釋賤者之服，而服官服也。【勛厲】勉勵也。

【逆奄】謂魏忠賢。【倫】亦比也。【禮曲禮】儼人必於其倫。【糾】參劾也。【合智謀二句】寫承宗戰功也。承宗在遼東，曾

擊退清軍，靈旱當時有所忌諱，故僅言將士之盡材，兵卒之致武，而戰功可知。【叛將】明將之降清者。【遠人】暗指清軍。

【革心】（魏書）木石革心。【無貳】無二心也。【諸葛武侯】蜀漢諸葛亮也。【愾】至也。【禮哀公問】君行此三者，則愾乎

天下矣。【二三執政】謂次輔顧秉謙、兵部尙書高第等。【中樞】中央執政之人。【信及豚魚】豚與魚，物之難感動者，其

信亦能孚之也。【媚嫉】忌嫉也。【大學】媚嫉以惡之。【格】感動也。【書】格於皇天。

逆旅小子

逆旅，客舍也。

戊戌秋九月，余歸自塞上，宿石槽。逆旅小子形苦羸，虛爲切敝布單衣，不襪不

履，而主人撻擊之甚猛，泣甚悲。叩之東西家，曰：『是其兄之孤也。有田一區，畜產

什器粗具，恐孺子長而與之分，故不恤其寒饑，而苦役之。夜則閉之戶外，嚴風起，

弗活矣。』余至京師，再書告京兆尹，宜檄縣捕詰，俾鄉鄰保任而後釋之。逾歲四

月復過此，里人曰：『孺子果以是冬死，而某亦暴死，其妻子田宅畜物，皆爲他人有矣。』叩以吏曾呵黑阿切詰乎？則未也。

昔先王以道明民，猶恐頑者不喻，故以鄉八刑糾萬民。其不孝、不弟、不睦、不嫻、不任、不恤者，則刑隨之。而五家相保，有罪奇袤斜音，則相及，所以閉其塗，使民無由動於邪惡也。管子之法，則自鄉師以至什伍之長，轉相督察，而罪皆及於所司。蓋周公所慮者，民俗之偷而已，至管子而又患吏情之遁焉。此可以觀世變矣。

【戊戌】康熙五十七年，時望溪年五十有一。

【羸】瘠也。

【區】地之分界。

【京兆尹】即清順天府府尹。

【捕詰】逮捕

問罪。

【保任】保護而擔當其事也。

【暴死】倉猝身死。

【呵】責也。

【以鄉八刑五句】語見周禮。八刑：不孝、不睦、不

嫻、不弟、不任、不恤、造言、亂民之刑。

【袤】不正也。

【管子】書名，管仲所作。

【自鄉師至什伍之長】管子立政篇。分國

以爲五鄉，鄉爲之師。分鄉以爲五州，州爲之長。分州以爲十里，里爲之尉。分里以爲十游，游爲之宗。十家爲什，五家爲伍，什伍皆有長焉。

【遁】隱也，避也。

宣左人哀辭

左人與予生同郡，長而客游同方，往還離合，踰二十年而爲汎與泛通交。己丑

庚寅間，予頻至淮上，左人授徒邗。寒音江道邗數。邗音與語，始異之。其家在龍山，吾邑

山水奇勝處也。每語釋去予居此之樂，而自恨近六十，猶栖栖於四方。予久寓金陵，

亦倦游思還故里，遂以辛卯正月至其家。左山右湖，皋壤如沐，留連信宿，相期匝

切子答歲定居於此。而是冬十月，以南山集牽連被逮。時左人適在金陵，急予難，聲去

與二三骨肉兄弟之友相先後。在諸君子不爲異，而予固未敢以望於左人。壬辰

夏，予繫刑部，左人忽入視，問何以來，則他無所爲。將歸，謂予曰：『吾附人舟車不

自由，以天之道，子無恙，尋當歸，吾終待子龍山之陽矣。』及予邀寬法出獄，隸漢

軍，欲附書報左人，而鄉人來言左人死矣，時康熙五十二年也。

龍山地偏而俗淳，居者多壽者，苟音左人父及伯叔父皆八九十。左人貌魁然，

其神凝然，人皆曰當得大年，雖左人亦自謂然，而竟止於此。予與左人相識幾三

十年，而不相知。相知踰年，而予及於難。又踰年，而左人死。雖欲與之異地相望，而

久困窮，亦不可得，此恨有終極邪？辭曰：

嗟子精爽之炯然兮！今已陰_音為野土。閉兩心之所期兮，永相望於終古。川

原信美而可樂兮，生如避而死歸。解人世之糾纏_音兮，得甘寢其何悲？

【邗江】今江蘇江都縣。【道邗】路過邗江也。【龍山】桐城東有大龍小龍二山。【栖栖】猶皇皇也，急迫之貌（論語）丘

何為是栖栖者與？【信宿】一宿曰舍，再宿曰信。【皋】水邊淤地。【南山集】見前送王翁林南歸序注。【逮漢軍】靈皋

出獄後，入旌籍。【考】老壽也。（詩）遐不黃耇。【陰】掩藏也。（禮祭義）骨肉斃於下，陰為野土。【糾纏】絞索也。（史記）夫禍之

與福兮，何異糾纏。

武季子哀辭

康熙丙申夏，聞武君商平之喪，哭而為墓表，將以歸其孤。冬十月，孤洙_音至

京師，曰：『家散矣！父母大父母諸兄七喪，蔑以葬，為是以來。』叩所學，則經書能

背_音誦矣。授徒某家，冬春間，數_音至，假唐宋諸家古文，自繕寫。首夏，予出塞返役，

而洙死已浹_切旬矣。

始商平有子三人，予皆見其孩提以及成人。長子洛，爲邑諸生，卒年二十有四。次子某，年二十有一，將受室而卒。洙其季也。憶洙五六歲時，予過商平，常偕羣兒喧聒。古活切左右少長，抱書從其父往來予家。及至京師，則幹軀區音偉然，予方欲狄音迪之學行，以嗣其宗，而遽以羈死。有子始二歲。商平生故家，而窶那羽切艱迫阨，視細民有甚焉。又父母皆篤老煩急，家事凌雜，米鹽無幾微，輒生瑕霞音釁。然卒能約身隱情，以盡其恩，而不愆馱焉切於義，予每歎其行之難也。而旣羸其躬，復札八則切其後嗣。嗚呼！世將絕而後乃繁昌者，於古有之矣，其果能然也邪？

洙卒於丁酉十月十日，年二十有一，藁古老切葬京師郭東江寧義冢。予志歸其喪，事有待，先以鳴予哀。其辭曰：

嗟爾生兮震愆！離音百憂兮連延！蹇音孤游兮局窄，支赫切命支離兮爲鬼客。天屬盡兮瓊音煢煢，羌地下兮相從。江之干兮淮之汭，音翳壹計切先靈兮日延企。魂朝發兮暮可投，異生還兮路阻修。孺子號平聲兮在室，永呵護兮無失。

【丙申】康熙五十四年。【武商平】名文衡，溧水縣歲貢生。【蔑】無也。【浹旬】周旬也。【迪】進也。【嗣】嗣續也。

【窶】貧不能爲禮謂之窶。【羸】疲弱也。【札】天死爲札。【丁酉】康熙五十六年。【藁葬】草葬也。【震愆旬】生不

逢時之意。【罹】遭也。【蹇】發語詞。楚辭：蹇誰留兮中州。【局窄】氣局窄狹也。【支離】殘缺也。莊子：支離其形者，猶

不能以全天。【天屬】至親之人。【梵梵】憂思也。左哀：營營余在坎。【羌】語詞。楚辭：羌內恕己以量人兮。【江干】

江畔也。【汭】水之隈曲處也。【翳】蔽也。【先靈】謂其父商平也。【延企】望也。【阻修】水隔曰阻。修，長也。【呵

護】呵禁守護也。

亡妻蔡氏哀辭

妻蔡氏，名琬，宛音字德孚，江寧隆都鎮人。以康熙丙戌秋七月朔後二日卒，在

余室凡十有六年。自己卯以前，余客京師，河北淮南，歸休於家，久者乃三數月耳。

自庚辰至今，赴公車者三；侍先兄疾踰年；持喪踰年；而吾父自春徂叢音秋，必出

居特室，余嘗從焉！又間爲近地之遊；其入居私寢，久者乃旬月耳。余家貧多事，吾

父時拂鬱，且晝嗟吁，旭紆切吾母疲疴，音阿間去聲作，吾與妻必異衾裯，竟夕無言。妻常

從趣也容語聲去。余曰：『自吾歸於君，吾兩人生辰，及伏臘令節，春秋佳日，君常在外，其相聚必以事故，不得入室，或蒿聲好平目相對，無歡然握手一笑而爲樂者，豈吾與君之結歡至淺耶？』

余先世家皖桐，世宦達，自遷江寧，業盡落，賓祭而外，累月踰時，家人無肉食者，蔬食寺音或不充。至今年，余會試注籍春官，歸逾月而妻卒。妻性木強，然稍知大義，先兄之疾也，鷄初鳴，余起治藥物，妻欲代，余不可，必相佐，又止之，則輾轉達曙，數月如一日也。壬午夏，吾母肝疾驟劇，正晝煩憤音不可過，命妻誦稗切步壞官小說以遣之。時妻方娠，往往氣促不能任其詞，余戒以少休，妻曰：『苟可移大人之意，吾敢惜力耶！』余性鈍直，而妻亦戇切竹絳，生之日未嘗以爲賢也，旣其歿，觸事感物，然後知其艱。余少讀中庸，見聖人反求者四，而妻不與豫音焉。謂其義無貴於過暱匪音也。乃余竟以執義之過，而致悔焉，甚矣治性與情之難也！

蔡氏在江寧爲儒家，妻生男二人，皆早殤商音，女二人，其卒也產未彌月，蓋自

懟直類切

以致疾也。年三十有七。於是流涕爲辭以哀之曰：

惟在生而常捐，乃既死而彌憐。羌靈魂其有知，併悲喜於余言！

【丙戌】康熙四十五年。

【己卯】康熙三十八年。

【客京師河北淮南】謂康熙辛未，館於京師高氏，乙亥館於涿州滕氏。

丁丑館於寶應喬氏也。

【庚辰】康熙三十九年。

【赴公車者三】清舉人入京會試曰公車。望溪康熙庚辰試禮部不第，癸未

再試禮部又不第，至丙戌成進士第四名。

【先兄】百川也。

【持喪踰年】謂兄沒有期之喪也。

【徂】及也。

【衾裯】衾，被

也。裯，牀帳也。（詩）抱衾與裯。

【伏臘】伏日在夏，臘日在冬，秦漢時令節。

【世宦達】望溪之高祖大美，萬曆進士官至太僕寺少

卿。曾祖象乾，官按察司副使。

【遷江寧】曾祖象乾，避寇亂，僑居江寧府上元縣。

【賓祭】賓禮祭禮也。

【注籍春官】言應

禮部試成進士也。禮部曰春官。

【木強】不和柔也。（漢書）周昌木強。

【曙】天明也。

【壬午】康熙四十一年。

【劇】劇烈

也。【稗官小說】稗官，本小官之稱，後以爲小說之稱。（漢書）小說家者流，蓋出於稗官。

【娠】懷孕也。

【懟】恨也。

【中庸

書名，子思作。

【聖人】孔子也。

【求者四】即所求乎子以事父，所求乎臣以事君，所求乎弟以事兄，所求乎朋友先施之也。

【殤】未成人喪也。

【彌月】滿月也。

【懟】怨也。

【常捐句】猶言不常聚首也。

◀ 味橄先生著 ▶

北平夜話

一冊 定價五角

這是一部用隨筆寫的遊記，計收最初的印象，飛霞粧，帝王遺物，閉中滋味，吃過了嗎，愛的教育，演戲之都，遊牧遺風，春風青塚，北門鎖鑰十篇。每篇都有一個中心，如吃過了嗎寫北平的小吃，愛的教育寫北平的戀愛，閉中滋味寫北平的風景，春風青塚寫北平的哀話，文筆生動，趣味雋永，使人讀之如在冬夜圍爐，促膝閒談，寓意深刻，觀察入微，故都的人情風物，莫不躍然紙上。書前刊有藝術照相十幀，皆不可多見之作。


詹詹集

一冊 定價六角

這是味橄先生繼北平夜話以後所作的第二隨筆集，共包含隨筆二十篇，或談天，或論人，或說世故，或道癡情，或論謀事，或講女權，或閒話吸煙，或辯解遊蕩，凡人之所未及談或不屑談者，著者用鋒銳的眼光，談諧的論調，風趣的筆墨，一一道來，無不中肯。文字之生動活潑，處處引人入勝，趣味之親切濃厚，尤能令人興奮，得此一卷，無異孤旅長途，獲一良伴，獨自幽居，亦不愁寂寞矣。

中華書局發行

海外風光



歐游隨筆

劉海粟著

一元三角

本書是劉海粟先生於一九二九年至一九三一年歐游時之漫記。全書都十萬言，對於法國、瑞士、意大利諸國藝術界銳利的觀察，偉大作品的批評與解釋，以及近代與古代藝術家的訪問和憑弔，無不敘述精詳。其見解高超，文字流暢可誦，誠為不可多得之考察藝術的創作。書中附有插圖五十餘幅，極為名貴難得。凡愛好藝術者及藝術學院學生均有一讀本書之必要。

海外雜筆

王搏今著

一冊六角

本書內容，除就最小的日常事件，分析歐洲各國的社會、政治、經濟外；又有最近事物的印象，如意大利法四十年紀念；又有歐洲政黨的實際生活的描寫，如現在最惹人注意的英國獨立工黨。對於各地的名勝古蹟，有文學的描寫與歷史的社會的分析。所述及的國家，有日本、南洋、印度、埃及、意大利、法國、英國等。體裁方面，有書信、日記、遊記、隨筆。末附歐遊指南一篇，為作者身歷其境，親自經驗之談，尤可為遊歐者之嚮導。


中華書局發行

民國二十五年八月印刷
民國二十五年八月發行

中國文學精華
音注方望溪文（全一冊）

◎ 實價國幣一角二分

（郵運匯費另加）



輯注者 中華書局

發行者 中華書局有限公司
代表人 陸費逵

印刷者 中華書局印刷所
上海澳門路

總發行處 上海福州路 中華書局發行所

分發行處 各埠 中華書局

標商冊註

